



溫州瑞安縣仙巖寺誌卷之六

詩文

名山勝刹每以文士增價自有仙巖以來畱題不
猶在奈苔崖蘚壁字畫漫滅幾半不可

心乘列于釋典又襍出乎逸編散
旧哉亂離迭生家少秘本一時不
略取舊刻而增飾之撫今追昔其

其間乎

仙巖寺銘

司空圖

巖之巔森戟鏡天中宅靈仙巖之瀑風幹洞壑地洵山
越之裔甌之隅人逸而腴某其師某其牧寺記而復

仙巖銘

姚揆

惟仙之居既清且虛一泉一石可詩可圖

賦

明

仙巖賦

釋通秀 江南常熟人

己丑之歲四月生霸越天姥以南征詢東嘉之泉石踏
蘆甌海撰杖鹿城循九峰而歷覽初假息於容成乃邁

遷客厥氏瑯琊髮蕭騷而點雪貌戍削而封霞譚此邦
之形勝首大羅以欣夸曰有仙巖在山之陽秀鍾二邑
名考選方陸不韜於輿馬水可次夫舟航無荆秦之翳
道若苜菡以中藏神仙法界龍象金田靈祇不闕千古
攸傳于是攬余袂以言邁渡寶筏於中川群峰青而來
岸一水碧而涵天御冷風之頃刻造彼岸而登焉爰有
浮圖衝霄接漢檐前日出牕間雲亂雕闌七重金繩百
頰壓林梢高躋崖半鈴語空而鏗錚珠照夜而璀璨
下臨虎溪芳草萋迷飛梁吐蜃清澗沈霓逝波潛往虎
跡在泥爾乃遵覺路入社林逶迤窳窳宛轉陰森隱丹

身於綠薄聳紺殿於青岑連趺涿玉寶象鏤金花繽紛
其四下鐘澄徹而孤吟香飄紫靄燈映白毫恍諸天之
發穆旃旒兮風交蓋給孤之善施功積累於誅茅諦
觀今時之螺紛寧知昔日之鵲巢若夫長廊日麗複徑
烟霏開竹房於繡嶺掩松戶於翠微笙管與鐸鏡而並
作歌塵與梵唄而俱飛則有清虛之樓參雲之榭木石
幽屋華陽精舍王孫士女絡繹春遊雅客詞人聯翩時
遊翔錦袖於雲中採搖筆於花下郢曲成而寡和泰聲
奏而爭訝亭啓八牕泉縈九曲飛花降綠蟻以同浮斷
藻逐流杯而相續情高剡水俗尚永和修禊事於芳日
濯先哲之餘波復有東林設社西寺修禪鍾盈池之白
藕布滿地之金錢徑行踵接皈命蟬嫣振中天之妙範
結淨土之深緣遠公于是乎化物支郎於是乎開筵叢
林孔嘉巖壑洵美龍勢遠蟠鳳翼群委狻猊之下於菟
之障臥象守關伏龜西向屢幽谷而神清陟高岡而神
王五潭魚貫八澗虬分黃池丹池吐霧蒸雲書臺玄洞
石室蘭濱嵐氣所積靡不氤氳矧梅潭之洺瀑奚匡雁
之足云錦屏四繞銀鍊中奔青天雨沛白日烟苑洙花
灼爍玉屑紛員黏枯枝其如霰浥芳草而成茵倚巖扉
卜一望真浩渺以垂雯若黃梅之恒潤縱素秋以長昏

放歌舒嘯隨風起舞千變萬態疇能比數此流泉之絕
致當傳譽于寰宇至於先姑隱雷玉函龍鬚泓澄泪瀉
遇曠不枯或寒渟而照膽或方潔而莫污或戟張如蛟
頷或霆震夫地扼雖令長康運筆摩詰爲圖卽髣髴其
近似豈與目擊者能符至若白雲上方休糧靜院爛枯
之石升仙之嘯點綴遙霞猗與盡善然地靈人傑比翼
相望苟非其人雖美弗彰故茲山之靈異亦藉夫人文
之代昌粵自上古軒轅駐驂崔駕鸞舉采芝茹木神仙
者流蹤迹非一彭篋往矣誰爲紀述獨陶隱居之占占
對姚侍郎之銘碣山高水長芳草木歇真卿書起敬之
字晦翁標第一之名子昂旅寓於篋西止齋置塾于山
坪皆前朝之英哲庶后人之景行爾其如寂室建塔以
現瑞遇安牧虎以如羝余數言之記述未盡待高明以
細而品題

仙巖賦

宋 鑿 六合知縣

翳茲巖之瑋麗兮鎮粵南之名區應東甌之列宿兮羗
蟠據乎海隅外峭拔以干霄兮中曼衍而崎嶇雙闕桀
峙于其前兮峻嶺若屏宸而負嶠信洞天之福地兮乃
欲界之仙都觀其香爐輅之峰子午王官之谷厓將墮
而又綴徑似斷而復續惟天則王芻揭車之草惟喬則

矣楹姑繇之木鳥則杜宇倉庚獸則伊尼握朴其潭則
梅雨三姑雷潭龍鬚玉函臥龍蓋趵突伏流之異而匡
廬懸瀑之奇也其亭則挹芳流觴憇蓮仰止澤潤振玉
蓋西蜀草玄之勝而山陰修禊之遺也臺標嘉樹嶺轉
翠微倚檻于清虛之樓濯纓于白蓮之池呼猿以入通
玄之洞觀魚而坐噴玉之磯杖屨度虎溪之橋景行禮
先哲之祠武丘靈巖未足爲其儔伍閩風玄圃庶可與
之追隨也若夫聖僧開山於菟馴擾方丈鋪金浮屠樹
表闢淨土以結構兮紺宇經始而宅兆龍陰崛起于陰
厓兮鷲嶺峩峩而窳窳振寶鐸于相風兮微梵唱于林

杪慈雲霰隼以呈祥兮慧日晃朗而普照以至巢棲穴
居之侶餐霞吸露之人入青林以伐木緣碧澗而采蘋
委形骸于丘壑兮托泉石以反其天真度山河之考室
兮瀉澗溜以鳴琴希笙鶴之冲舉兮結安期羨門以同
心之三秀而可茹兮丹九轉以長春想仙侶之遐逝兮
閱玄牝于谷神乃若太行之菁亦有諸生讀書其中大
猷是程矧仙巖之勝託兮將人傑而地靈匪盤桓以娛
遊兮因玉界以養聰明坐臯比于瑤草兮啓絳帷以列
翠屏對喬松以長嘯兮據玄石以橫經攀桂枝以招隱
兮聽谷鳥而來朋方春時和童冠偕行怡神悅性藉卉

班荆慕曾氏浴沂風雩之興暢孔門樂水樂山之情泳
 聖涯于絕澗兮登道岸于福庭雖仙釋二氏之譎誑兮
 莫可與而爭衡伊誰復此古勝兮王氏之難弟與難兄
 實山靈之遭際兮垂茲巖之芳聲亂曰輞川馳譽肇自
 摩詰詰錡選勝子厚之烈惟茲名巖欽崎巖窠重淵折
 地絕壁倚天飄飄鸞雀合杳雲烟世遠跡堙翰光剗秀
 景匿荒林峰沅遠岫乃有王子伯仲墳笮探幽弔古復
 此瓌奇福地重開洞天再造命儔嘯侶徘徊瞻眺人由
 地產地以人名輞川鈛錡豈得專稱

清

八仙巖賦

釋性達 字蓼伊 武林人

積翠秘靈源梅潭漾鮮碧相對兩獅峰通玄宵無極或
 云丹可煉黃帝曾燒石丹井至今存燒煉成陳跡二十
 六福地佳名從此得以是號仙巖千秋遂不易貞觀太
 和中禪師曰歸一適過愛群巒草萊甫開闢屈彼宋熙
 寧安公立規則常宣妙伽陀仙始時侍側忘荃因得魚
 坤儀邁巾幘所以三姑潭神通顯出沒先儒陳止齋緣
 是而信力舍宅助祇園不惜捐金帛更有晦翁書溪山
 志第一國朝定鼎時此地多兵革曲徑委荆榛虛堂惟

作身詩 卷之六
礎礪谷雲自依依泉石空喧澹山靈如有待環遶皆拱
立偉哉龍友公文章久華國喬梓獻金門棘圍雙拔幟
作吏皆循良護教遵佛勅拾翠偶登臨曉霜散游屐吊
古嘆淒其金湯擁慧日福地無福人何由而振赫請我
天老人恢弘啓祖席乘願不可辭力任重修資殿閣復
重新大工猶畢集摩雲宰堵波丹堊燦金壁大業旣落
成詩人咏無斃予亦曠其游性惟山水僻草履樹稍懸
借作棲真宅有時嘯碧巖俯視寰區窄喜入我師堂愧
入我師室選石坐莓苔榻管書佳勩極目一開襟春雲
扶曉日

溫州瑞安縣仙巖寺誌卷之七

詩

六朝
宋

舟向仙巖尋三皇井仙跡

謝靈運

弭櫂向南郭波波侵遠天拂鱗故出沒振鷺更澄鮮遙
嵐疑鷲嶺近浪異鯨川躡屐梅潭上冰雪冷心懸低徊
軒轅氏跨龍何處巔仙踪不可卽活活自鳴泉

宋

遊仙巖

楊

蟠郡守

雲頂連連更幾峰下觀人世一樊籠五潭雨灑青天外

二井雷生赤日中惟有渴猿梯尚在更無飛鳥路應窮
尋幽欲訪高真偈誰謂凡塵不許通

宋 三姑潭

趙汝回 字幾道永嘉人

誰掣銀河鐵鎖開懸珠直練此山來飛黃梅雨無晴日
曳白雲天有怒雷曾是安師騎虎到何當軒帝駕龍回
巖屏頓下平平石閑坐無人空綠苔

程邁 郡守

巖前無雨亦常潤水閣有風仍更清自到郡來聞說久
杖藜今日此山行

重遊仙巖

周行己 字叔恭永嘉人學士

此地一爲別風塵岐路賒登臨元有待巖谷更重華石
竇寒凝髓虹梁迥綴霞仙源端可狎飛轡繞林涯

仙巖卽事

沈躬行 字彬老瑞安人程門高第

孟月攝提指春遊初服成招尋追舊蹟涉歷憇孤情暫
爾諧心賞相從念友聲丹丘探不遠吾欲悟無生

仙巖卽事

樞 郡守

莫訝多幽勝仙巖舊得名五潭俱卓絕二井更澄清拂
石欣同入磨崖記此行登臨有餘興恍若在蓬瀛

聖壽寺

許景衡 字少伊瑞安人尚書右丞

古寺重門裏回廊一徑幽水聲長帶雨山色最宜秋寓

仙巖寺記 卷之七 詩文 二四
宿已多日題詩更少畱此生隨利祿行路自悠悠

遊仙巖

龍穴梅潭抱嶺斜憶曾同試雨前茶稍須林壑開雲葉
便倩兒童汲井花一別仙巖空夢寐三千邊塞走塵沙
合須覓片閒田地憐舍如儂有幾家

次韻

葉

適

字正則永嘉人學士

為問仙巖一徑斜徘徊高衲試新茶清分噴玉磯頭水
香引通玄洞裏花坐久悟來身幻泡談餘剖破世搏沙
何當淨洗塵埃障半壁溪山擬作家

此巖同諸友遊仙巖

高彥芳

更重華

方知激蹙與噴飛直恐古今同一時遠壑流濤多夕照
寒空撲碎作凌澌謝公巖上衝雲去織女星邊落地遲
取向仙前更誰測深沉見底自澄漪

宋之才

字廷佐瑞安人待制

危磴盤雲杪驚濤漲晚空江山端有約杖屨偶相同孤
塔蒼茫外雙林杳靄中誰知丘壑趣未博軟塵紅

次韻

釋道瑞

號奇祥

玉虹長飲澗鐵筆正書空日月霞分照天河一派同寺
居烟景裏僧在畫圖中煉藥人何處爐存火未紅

通玄洞

曹叔遠

字器遠瑞安人徽猷閣待制

遨遊倦聽水聲潺卻愛靈巖引憇間樹擁倒暉穿嶂曲
風牽斜雨灑藤彎半袈裟裏須彌現隙滄阿中法界寬
爲納千僧渾不見欲于此地扣禪關

重過仙巖

曹 幽 字西士瑞安人
寶章閣待制

片棹仙源及早秋西風謾謾翠華浮磯分玉映三千界
壁聳金鋪十二樓談道昔年人已沒論交今日我還留
與同山衲尋遺事苔蘚蒙茸不可求

梅潭

李介山 字宗遠

靈源分左界千仞落飛泉散作一空雨長如四月天掛
林寒練直濺席水珠圓湫石龍應在巖扉浮翠烟

奇祥瑞

古來三佛地愛此百重泉晴灑空中雨清涵鏡裏天禽
窺波影動龍抱夜光圓何處尋仙跡層峰鎖翠烟

陳傳良 君舉號止齋
瑞安人待制

袞袞群山俱入海堂堂背水若重闔怒號懸瀑從天下
傑立蒼崖夾道陳唐晉至今堪屈指東南如此豈無人
結廬作對吾何敢聊向漁樵寄此身

止齋卽事

教子時開卷逢人強整襟甘貧看晚節多病得初心地
僻芰蓮好山幽竹樹深寄聲同燕社明日又秋砧

婁寅亮

陟明永嘉人
監察御史

居與仙巖隣未識仙巖路片棹偶相及山僧煩禮數指
點覓遺踪行行道其故是為梅雨潭排空成瀑布嘗生
六月寒輜軒每相顧嗟哉往來者寧不忝尸素

李鈞 郡守

欲追河朔一時遊曾效蘭亭泛曲流聞說仙巖為絕勝
喜從高客共探幽清風未挹初逢夏靈地將登已覺秋
幸有伊蒲分雅賞當筵能飽俗情不

林石 介夫稱塘奧
先生進士

去夏曾同潭上遊蔭松坐石濯清流論文聲入飛泉響
話道心齊邃谷幽盛暑忽思尋舊好煩襟頓滌似新秋
也知人世多餘暇誰更能為勝賞不

噴玉磯

陳武 字蕃叟瑞
安人修撰

朝借仙巖遊暮借仙巖宿一泓流不窮長年看不足

元

止齋即事

高人明 字則誠瑞安
人行省都事

伏虎溪橋跡已陳落花流水幾番春當時邂逅成三笑

今日何由見一人

明

梅雨潭

忠貞卓敬

字惟恭瑞安
人工部侍郎

仙巖寺詩 卷之七 五
橫空峭壁瀉飛瀑聲震淵霆搖地軸網縕氣濕浮太空
衝巖散作珠萬斛源頭直與銀河通半空簸落飛流淙
此境定知無炎熱萬壑千巖灑晴雪

訪構菴東堂

黃淮

字宗預永
嘉人少保

閒携朋舊訪仙巖松竹團團護石龕潭入神姑尋異跡
坐同支許共清談齋厨引水源頭活茶乳浮香齒頰甘
但願飽餐禪悅味相忘何必問三三

挽構菴禪師

山門長日護蒼苔靜對蓮峰世外開泡影常教從變幻
虛空何處着輪迴鉢盛定水龍歸化榻鎖寒雲虎自來
我亦托交尋社事夢中還憶度浮杯

易

瑛

叅政

鬱鬱仙巖列翠屏西風回首一時經田園盡獻黃金地
溪澗中分白玉庭二衲幾年來學道三姑何處見通靈
遙瞻鹿苑蜂臺上綠樹青青覺夢醒

釋道高

好山爲畫石爲屏藩府遙來日正升路遶羊腸松鬱鬱
溪分燕尾水繩繩神仙窟宅凌塵表兜率天宮據地靈
聞道公餘窮勝覽坐談禪室頓忘形

鍾清

布政

薇省黃堂早退休餘生何幸得清遊天開好景畫難似
地擁奇峰翠欲流十里嶺分丹鳳翼半空巖露老龍頭
石門雁蕩雖名勝品第無如此最幽

李元奎

頓忘名利兩休休且向隣峰古寺遊塔峙七層燈未泯
潭分五派水常流祇園行樂詩乘興教苑聽經石點頭
滿目風光觀不盡歸來心思得清幽

楊景衡 參政

飛瀑峒嶢下九天曇花香度碧巖前溪山勝賞金圍刹
湖海歸來雪滿顛繞徑松風秋倚杖一庭江月夜談禪

何時了卻人間事來共山中聽雨眠

釋楠菴

新承雨露戴堯天滿袖香烟出御前紅藥重看開畫省
霜松又見映華顛仲淹老去仍憂國蘓子年來卻好禪
有約仙巖共清夜上方高伴白雲眠

倪寅 字子賓 瑞安人

錦衣行樂小春天綵筆題詩繡佛前好事贊公留杜老
能書懷素失張顛山窓蘿月三生夢澗水松風一宿禪
此日南閩望霖雨東山那得尚高眠

虞原璩 字叔圓 瑞安人 纂修玉牒

瑤華樓閣擁諸天金碧莊嚴法界前遂有於菟馴石畔
從教白雀下松顛山光水色天開畫翠竹蒼松我亦禪
何日重分雲外榻一溪春雨看鷗眠

葉子棋

蠟屐同遊十月天祇園珠樹未霜前祖燈續燄明無盡
和韻詩成喜欲顛貝葉翻來西土典瓊花談落上乘禪
無端夜半鐘聲動驚起松梢白雀眠

趙旺

勝遊踏破洞中天遙想風光在目前塔峙火龍騰漢杪
瀑飛銀練落崖巔山花含笑酣迎客野鳥調音喜問禪
何日重臨吟寶地清風一枕北窓眠

釋休菴

聖恩重沐下閩天萬里青雲起馬前柱石薇垣煩佐政
金湯蘭若願扶顛謝安已慰蒼生望達磨惟傳直指禪
一策相看林下寺吟詩竟夕廢清眠

季德基

字武坤

一榻雲房別有天盍簪已在十年前關西畫錦還夫子
海上春衣屬大顛梅雨潭空龍聽法松林月黑虎依禪
山中勝會知難數煮茗焚香話不眠

項澄

三山人郡守

仙巖寺詩 卷之七 詩文 八
燈火熒煌照畫船夜深使節駐前川登臨共入仙源逕
勝跡還尋丹竈烟潭古長聞銀漢瀉塔高渾訝碧霄連
風光欲覽應難盡謾寫新詩寄錦箋

一 白蓮池

任道遜

字克誠太常卿

遠公鑿石豈無由白業人從何處修識得根株無彼此
青山寂寂水悠悠

釋清鏈

松聲謾謾澗聲潺潺風滿禪林秋滿山古徑苔封深淺裏
遠峰雲鎖有無間篋西吟屐穿雲去溪上漁翁載月還
詩景無窮清眼界酣霜木葉正珊珊

丘山

瑞尹

直上仙巖第一山澄清徹底見龍潭細看梅雨絲絲下
帶得水霜六月寒

長吟遊寶地恍若出塵寰濃淡烟中樹蒼茫鳥外山潭
飛梅雨濕洞鎖暮雲閑擬結淵明社携琴日往還

黃崇山

伏虎門開幾劫劫春香焚沉水散清氛森森松柏圍青嶂
隱隱樓臺鎖白雲人杰地靈千古勝獅蹲象踞兩山分
詩成掃石憑誰刻暫記菴前一贈君

不因疏鑿自天開萬丈飛流直下來六月恍疑常噴雪
三冬驚似忽聞雷坐臨寒澗高情遠醉汲春瓢俗夢回
攀踏懸崖尋舊蹟摩挲碑刻蝕莓苔

秦 鎰 字國重瑞

王 瓚 字思獻永嘉人禮部侍郎

清興渺何許登臨極上層徑幽無俗客寺古有高僧翠
靄屯林木流泉濺石稜探奇歸去晚梅幹執爲燈

張孚敬 永嘉人少師

落日在招提山深藏古洞水落正石出穿巖入其空絕
壁合欲傾觀天如坐甕飛流瀉中潭山根似浮動蓬島

不在茲相顧疑是夢無邊風月清如常可吟弄

高友璣 字肅政樂清人尚書

海內爭傳雁宕名仙巖佳勝亦蓬瀛懸崖瀑水披銀練
峭壁峰巒列畫屏丹井由來多幻迹白雲深處有佳城

先世高太師張氏 夫人有墓在前山 未能留帶追芳躅還擬抽簪締宿盟

陪劉功允同守遊仙巖 胡 渙 太平司李

解篆歸來二十秋名山日日臥中遊已祛塵夢牽朱紱
最喜金樽對碧流天上聚星期御李人間紆組快衣劉

他年若着荷衣去再訪羊裘松徑頭

汪令德 字憲菴開化人訓導

山巖觀瀑

山巖觀瀑

山巖觀瀑

山巖觀瀑

山巖觀瀑

山巖觀瀑

仙巖宵無極片瀑也宜驕欲狎群望盟排空宿莽消客
至暫相賞衣裾襲神飈卽作如是觀何有於瓊瑤

景喜金尊樓巖天土界皇恩濟幸王士翹

字民瞻安福
人都御史

仙巖往迹重名賢萬丈崖懸瀑布泉問俗登亭空感慨

一潭梅雨自年年

彭謙

平陽尹

行來仙徑訪前賢石壁寒飛瀑布泉巖下一齋棲止處

滿林梅雨灑經年

九日遊

龔秉德

郡守

九日似清和仙源試一過沿洞辨微徑宛轉陟崇阿雲

碓春寒水霜風振晚柯亭虛臨窈窕迴飈拂綺羅花香

依嶺近樹影入杯多谷響山疑動人歡鳥欲歌幽尋難

可再緩步下嵯峩

張

寰 參議

倚權凌寒浦尋梅陟晚峰瀑飛疑漱玉山靜忽鳴鐘共

俯三皇井誰希往哲蹤巡簷聊索笑花影月移重

陳汝高

溪頭停短棹冒雨過禪林衣滴羣峰翠杯浮萬壑陰仙

機丹井秘僧定石渠深浩唱驚山谷啞峒應此音

梅潭宴集

王宗茂

御史謫平
陽尹

遷客年來戀石林偶從登眺豁煩襟
纖霞暮繞諸天路細雨晴飛百尺岑
日向瑤臺留倒影雲依碧樹結層陰
茲遊不數蘭亭上何幸叨陪興轉深

劉畿

字朝宗浙江巡撫

早共元公憇梵林又從逸少一披襟
千尋苔壁凌蒼漢百折松濤瀉碧岑
飛瀑迎風晴亦雨歸雲擁樹晝還陰
懸知勝會應難再秉燭渾忘夜漏深

陳慶

太常寺卿

大羅西望隱珠林傍晚鳴騶歷翠陰
登嶂勢盤如鳳翥澄潭波淨有龍吟
諸天幻劫多興廢大地浮雲自古今
賴有名賢遺躅在若為山水助高深

陪傅少叅遊

姜立綱

字廷憲瑞安人太僕寺卿

肩輿清曉入招提百尺浮圖曙色迷
僦地布金為幻境磨崖泚筆覓新題
魚遊潭影時常見鳥悅山光不盡啼
若說寺門留帶事只今誰復與蘓齊

釋一菴

平陽人住觀音院

境入仙巖翠作堆望中宛宛見樓臺
風生遙覺松濤湧瀑下渾疑梅雨來
仙女乘鸞聞法去神僧跨虎破經回
予雖未證三摩地恍脫樊籠養聖胎

山門幽寂對雲松
琳宇餘輝照翠巒
玉堂毓
永嘉人

仙巖寺詩 卷之十 十一
山門幽邃傍雲斜，紺宇繽紛綉綵霞。
杏嶂縈青連野樹，芳池涵碧映巖花。
泥沾貝葉梁間燕，聲雜晨鐘柳外鴉。
有約他年來結社，共談玄趣謝繁華。
詩人觀瀑敬次先高祖樵雲公原韻

王諍

字子孝，永嘉人，都御史。

水曲峰廻一徑斜，仙門鎮日鎖烟霞。
松蘿根遠繁雲葉，巖瀑源深散雨花。
幻劫無端真夢鹿，登臨有作漫塗鴉。
先翁芳咏留香界，仰止高山感物華。

謁止齋祠

高賓

瑞安令

一道飛泉瀉兩崖，西山佳樹蔭亭階。
坐消烟靄青冥外，千仞峰頭見止齋。

鮑瑋

瑞安人，貢士。

勝境無人到，苔封一逕閒。
懶雲低渡水，落日倒銜山。
松嶼崔初睡，香銷僧未還。
無詩亦無酒，長嘯出禪關。
遊時值倭患，至噴玉磯而返。
袁祖庚 溫處副使
異境叢奇蹟，人間豈易求。
山盤卑虎阜，泉噴擬龍湫。
曲徑低穿洞，重林翠拂樓。
獨嗟兵火後，慘慘不成遊。

振玉亭

王希周

仙嶠亭初落，秋高瀑正懸。
喜隨飛鳥至，雅有盍簪聯。
浪跡皆成幻，川流抵自然。
竭來同勝賞，相對意俱玄。

觀音乘月觀雷潭自然結來同觀賞王應桂

隱隱雷潭萬仞巔松聲雀喚隔雲烟笙吹越調更初靜

風送禪鐘月正圓良夜豈須重秉燭高朋無復羨登仙

歸途寂寂霜颺起回首藤蘿霄漢邊

與泉業奇龍人間豈思水山並求出朱天球 參議

藍輿斜日扣禪關鐘梵依依瑞靄間夾道高松秋蔭薄

迎香老衲野情閑欲尋古洞穿雲去更擬平川載月還

獨怪世緣非偶爾得偕仙侶此躋攀

戴一俊 郡守

芳榭新開倚翠岑石壇半護薜蘿陰珠林雨外浮香靄

鷺鳥枝頭和梵音花徑春遲紅寂寂梅屏霧擁綠森森

幾年塵躅勞奔走漫對清虛一洗心

送成維那省仙巖仲謀和尚 逆川順

當陽一着定千差還我仙巖老作家喝下俊機吞佛祖

棒頭正眼辨龍蛇子歸就父情何切境寂人空話更賒

撒手那邊消息好春風開遍碧桃花

金文 栝蒼守

東浙溪山稱第一清宵秉燭此來遊雲深嵐氣侵衣潤

雨過泉聲遶竹流薇省故人青滿眼禪房老衲白盈頭

天明便欲登巖頂歷覽山中萬象幽

天門對巖登巖即登山萬象幽

劉

清字本澄陳州人平陽令

便道尋僧辨四休
負然佳致足遨遊
危簷聳翠山環繞
飛閣臨清水曲流
聽法龍歸禪鉢裏
凌空塔峙虎溪頭
風傳陰壑生靈籟
入耳清聲分外幽

鄒朝思

大羅山外小蓬丘
夢寐常懷載酒遊
覽勝賦詩題峭壁
避喧洗耳枕清流
謾看仙跡遺丹井
誰悟人生易白頭
何幸先賢開此地
頓令餘暇每尋幽

贈古航禪師

周

令字巽之瑞安人太常卿

大江一葦西來意
千載牢將柁柄拈
權入黃花皆般若
載歸貝葉總華嚴
開洋不計滄波闊
到岸方知新水添
從此虎溪重結社
豈須藍筍送陶潛

出三秋日遊眺

宋守志

大梁人郡守

清憇遲良友
諸天標數峰
竹房行遠溜
松閣罷疎鐘
旅愜南中景
神空塵外踪
珠光快瞻矚
斗極瑞雲重

登雷潭

譚用諫

瑞安尹

五潭雲下轉地擁玉芙蓉
銀漢無塵染仙源有路通
雨絲翻素練雷響躍蒼龍
未遂尋勾漏丹砂愧葛洪

昔聞仙巖名今踐仙巖境
行聞泉澗喧彌覺春山靜
石

字舜舉樂清人江西布政

仙巖寺詩 卷之七 詩文
門橫中天深流瀉曾嶺濛濛梅雨飛片片雪花冷寂歷
鐘磬音淒清猿鳥影煩纓一以濯頓使塵慮屏

絲繡仙巖紀懷

韻藻 馬魯卿

內江人別駕

自入仙巖境飄然俗慮消追思十年事頓覺一身勞佛
座依雲立僧門帶雨敲禪棲有真趣吾欲此中逃

仙巖中景輒空壘代冠來

張國謙 晉江人郡守

休沐逢佳日相將到白雲空潭梅雨落玄洞谷雷聞井
出三皇世經翻太始文神仙雖不見應道舊名軍

昔登赤城峰石梁亘截如青虹捫蘿夜瞰海底日蓬萊

王 倓 永嘉人工部郎中

咫尺扶桑東又嘗入雁蕩龍湫際天濯漭沆乘風長嘯

金霞端萬壑千崖遞清響竭來扁舟何所之仙巖試躡

青雲梯懸崖峭壁幾千尺空中恍惚聞天鷄三皇古井

宛如昨秦人洞口桃花迷瀑布晴飛赤壁雪銀河倒瀉

地軸折初若流電掣金蛇翻疑玉龍躍寥穴烟嵐變幻

鎖蒼巘彷彿瑤景五雲闕陟層嶺今日眩狎瓊波兮仙

媛穿窈窕兮綈舒眇天光兮一線扣雲扃今天忽開清

潭白日轟迅雷虎嘯熊咆川谷暝坐俯久而復徘徊塵

世流疾如矢齷齪浮榮何足擬抗跡烟波隱姓名狂奴

懶揖漢天子物外逍遙養性靈吾生原是少微星五岳

三山遊覽遍跨雀驂鸞歸紫冥

李廷觀 郡守

寨帷漫憇陟香岑四壁雲垂淨苑深
白晝虛潭長作雨初春灌木始繁陰
崖文隱約畱仙偈水碧空明瑩客心
弔古臨風長一嘯隔林疑送鳳鸞音

余世孺 瑞安尹

翠巘圍蘭若丹霞隱洞天廢興千古慨
靈秀十方傳卓錫開初地傳衣念宿緣
誰能超累劫卽此共棲禪

區益

字叔謙高明人廣東同知

五馬乘春豫看山更躡雲旌旗沿樹入
鐘磬隔林聞瀑落山飛白烟消氣結文
題詩青壁勒人擬鮑參軍

虎溪橋落成

縹緲仙源貫白虹石梁重建虎溪東
采芳無復褰裳累問法依稀有路通
雲影每浮光塔外月明常在碧潭中
彌漫梵宇三千界古往今來本不窮

徐綱 司李

仙源天設迥非凡百尺銀河下石巉
四座臨流分兩兩九峰列戟見三三
玄猿擷出叢林果青鳥銜來碧海緘
坐看烟消山月霽清光一片鏡開函

仙巖寺詩 卷之七
山中長老舊相識今日再逢何可得
截竹朝烹石鼎茶
登峰時借凌空錫醉來把筆草花牋
醒後呼童掃白石
出門一笑日已斜萬疊青山在胸臆

釋秋江 諱思澄

羅峰峭拔對獅峰上有銀河一派通
噴灑晴空飛細雨
奔流白日下長虹涼颼起自三春後
暑氣渾消六月中
欲訪安公何處是楞嚴室內見真風

周珙 華亭人司理

停橈夜泊小溪邊借得仙巖半榻眠
龍起梅潭雲影濕
虎來丹井月光圓論文愧我非韓子
唱道逢僧是大顛
自爾更深不成寐燈前相與話留連

黃文科 平陽尹

仙巖形勝果奇哉一水遙從天上來
白晝霏霏常作雨
虛潭隱隱似鳴雷讀書臺畔丹崖合
噴玉亭前碧鑑開
此日公餘登眺望恍疑身世在蓬萊

楊尚德

萬仞峰頭瀉瀑泉紛紛散作雨如烟
今來古往無晴日
長似江南四月天

紀遊

軒皇曾駐此山隈一去寥寥竟不回
丹井長年涵日月

仙巖寺詩 卷之七 詩文
石壇無處着塵埃嵐飛陰壑常疑雨瀑下晴潭錯聽雷
異境分明在人世何須海上覓蓬萊

次韻四日天

釋廣津

故人訪我白雲隈携手盤桓日幾回尋壑試聽多爽籟
拂牀高臥絕纖埃雨餘筠澗添鳴玉風撼松濤訝吼雷
共歎真仙招不返空遺丹竈在蒿萊

木彙集

不到仙巖久巖花幾度紅暝含青嶂月香散碧潭風撫
景思軒帝題詩問遠公由來千古事天地浩無窮

程文著

主事

玄象標龍界仙橋控虎溪乘春延眺望傍暝恣攀躋潭
底神雷震空中法雨飛憑臨生逸思坐悟息塵機

鄭公寅

瑞訓導

雨過素秋淨春回朱草縈水天涵碧溜石室倚青屏暖
日雷聲動晴空梅雨傾瞻茲堪吏隱聊啖紫芝英

謝廷俊

瑞安人

覽勝遊仙境尋幽躡舊踪憑虛升樹杪扶杖上蓮峰澗
曲通泉緩松長滴翠濃留連無限興催晚忽聞鐘

仙巖卽事

林曙東

楞巖室倚翠微端笑上書臺久倚欄塔時曉烟湖石冷

仙巖寺詩 卷之十 詩文
橋橫秋水虎溪寒真卿字古尋僧辨姚揆銘高倩石刊
欲喚三姑觀瀑去雷潭梅雨未曾乾

沈端

度虎溪橋一徑平入龍鬚境萬山迎玉涵峭壁懸飛瀑
湖石浮圖接太清丹井蓮池千古在雷潭梅雨幾時晴
上方要覓神仙跡獅子峰前看勒銘

陳寧

巖鎖寒潭浸碧流芙蓉一朵照雙眸雀翻松露清秋滴
龍蟄梅霖午夜收雲氣濕封丹井冷塵氛遙隔碧壇幽
何須更去尋三島此日登臨足勝遊

贈仙巖慧上人

張

純

字伯貞永嘉人南康守

勝裏空山尋舊跡諸天色相散晴霞一燈長照清虛界
萬樹光含智慧花夜聞鐘磬龍宮寂曉歷霏微鳥道斜
自笑紅塵催白髮偏憐飛瀑灑袈裟

黃一鵬

武寧令

仙源杳不極于此滌煩襟重以蘭亭侶同依嘉樹林繙
經看伏虎罷梵聽龍吟一磬雲端發翛然空我心

王應辰

字拱甫永嘉人上海縣教

飛泉高百尺縹緲落雙峰光暎雲連動聲傳谷更空詩
摩青嶂讀路遶翠微通絕頂還應到龍門訝許同

清虛樓小憩

兜率何年寺春風兩度遊覺花明寶樹法雨灌靈湫徑
轉聞松籟溪迴見蕙洲繩牀倘可惜信宿上方樓

三姑潭

聞得仁字中元鴻
臚寺序班

仙姑問道自何來谷口桃花幾度開兩兩同歸潭底路
莫非舊住是天台

張遜業

字有功永嘉
人尚寶司丞

支杖探奇度遠峰雲門遙見翠微重珠宮縹緲懸銀漢
寶樹參差鏤玉龍咽露蟬聲和法偈出林香靄帶疎鐘
尋僧擬結青蓮社應覓廬山惠遠踪

王叔懋

永嘉人

幾年蹤跡隔江湖每憶空山得自娛雨後瀑喧芸閣濕
夜長僧定佛燈孤鐘聲百八誰虛枕世界三千壓道途
他日重來尋勝事禪關應許共跏趺

王一夔

字樂仲永嘉人
曲靖府知州

飛泉杳渺接丹梯石徑逶迤入虎溪嵐氣欲迷青嶂口
鐘聲遙度野橋西叢林雨過花爭發古洞春歸鳥亂啼
何用更尋蓬島去玄蹤擬向此中棲

梅潭

張承明

永嘉人大
理評事

瀑水源來遠飛流夾兩峯光懸銀漢練影掛玉池龍帶

雨翻聲急因風灑潤濃到來無色界披賞豁塵宵

留宿仙巖方丈

王叔果 字德育永嘉人副使

結迹趨名山披衣陟玄境煥然象界新
迤矣塵囂屏叢林列青松香臺依翠嶺
蘿逕通透迤蓮房備幽影移席坐梅潭
沿流沂皇井風葉逐盃翻巖瀑侵衣冷
摩崖閱舊題臨淵鑑清影夷歌調轉悠
暮歸興猶惺溪碓亂秋聲塔燈爛夕景
感時歲杪臨緇經夜分靜相對結跏趺
聞鐘發深省

贈隱峯肅巖二禪師

初地芳春做法筵喜看飛錫集諸天
千旛不動慈雲護雙樹高標慧日懸
面壁達摩真出世長齋蘓晉欲逃禪
塵勞擾擾殊堪厭何似名山結淨緣

同諸友酌白蓮池上

憇蓮欣有榭宛在水中央雨過添新色
風迴度暗香詩成青壁勒酒至碧筒觴
溪碓春雲爛禪燈隱樹蒼聞鐘醒夢覺
洗盞引清光頓滌煩囂遠飄然御上方

仙巖留別諸禪師

王叔杲 字陽德永嘉人福建叅政

名山寥落久茲幸得名緇入徑看新構
沿溪辨舊堤堂虛香靄積壇淨雨花垂
自惜牽塵鞅重來未有期挹芳亭落成

香臺新構倚平岡四顧山光入座蒼絕壑雲埋松檜老
石壇露浥薜蘿香林間流水通丹井簷際飛霞護法牀
坐對屏梅幽意愜祇看歲晚領群芳

王槐坡鄭少嵩過仙巖折東見招乘月赴會

文軒乘瞰共登臨青鳥傳書出定林夜月維舟酬雅會
虛潭對酒散煩襟懸崖飛瀑翻晴雪古洞垂蘿結夏陰
自是名流多逸思惟應摩詰數追尋

通玄洞

黃思親

字伯孝瑞安人撫州同知

古洞號通玄尋幽愜宿緣晴雲浮法界涼月度迷川盤
鬱疑無路虛明忽有天蓬萊應不遠何處挾飛仙

石偉溫

白雲深處有招提曾記登臨過虎溪笑挽烟蘿尋古跡
懶隨車馬踏香泥樹連翠幙雲常合山簇青螺日又低
我欲乘閒頻到此還須拂石記新題

侯一麟

樂清人

雁宕凌霄漢天台涉海門何如川路裏孤棹入仙源樹
影分溪色人聲應鳥言平生幽寂意來共老僧論

後漢魏之國風詩一王士雙險飛雲王德

字汝修永嘉人僉事

天際群峰簇晚霞共誇祇樹冠東嘉繁陰擁蓋看雙樹
飛瀑當筵見四花新挾榛蕪通鷺嶺試浮觴酌藉鷗沙

淵明已作歸來賦欲向東林問法華

重遊梅潭 陳大訓 字定甫瑞安人

窈窕巖之阿夙惊一至止雙劍排雲入玄洞自天啓仙

人駕玉龍飛空作烟髓滄浪有時濯清濟涸可俟似此

無盡藏名山惟茲美素賞終勿傾重臨懌無已願言懷

所欽知仁更伊邇

重遊

張鳴鸞 字仲儀永嘉人舉人

不到仙巖久依稀記往年峻嶒新七寶寂歷舊諸天漱

玉秋彌淨布金地更偏亭臨芳沼沚路遠綠蘿烟松枯

叅雲偃芙蓉濯水娟名香凝貝葉返照映祇蓮谷迸鐘

聲震林空塔影旋澄潭籠霧入飛瀑半空懸幽探仍傍

月妙賞恣談禪漏澈僧初定燈殘客借傳玄關今始叩

謾詫得真詮

張鳴鶴 永嘉人太學生

蘭棹乘流訪遠公白雲繚繞梵王宮香焚寶鼎諸緣息

翠合平林萬象空鐘磬聲從霄漢出松篁曲奏碧烟籠

與君共結青蓮社盡日談玄蓬島中

張茂洪 庠生

幽逕繁花未辨名隔溪蕭瑟度松聲臺翻貝葉千林秀

瓶吐蓮花四座明謾擬塵中空五蘊還期石上悟三生

看雲浪迹忘歸去惟有青山不世情

王良心 字性德永嘉人兵科給事

翠微環繞帶青霞路入仙源境自嘉曲澗傳盃通法水

叢林卓錫散天花鐘聲度壑風生樹塔影凌空月印沙

無限幽懷何所寄卜棲擬傍遠公家

趙覽亭 王煦

憑虛嵌壁敞玄亭坐望諸天法界清簷拂蘿絲當晝瞑

座依松蓋度雲輕重新古塔靈光現遙列奇峰爽翠明

不有維摩能決勝誰令福地更崢嶸

秋日侍家大人遊 王光蘊 字季宣永嘉人同知

松門新向谷雲移徑夾繁陰轉蔽虧寶座香風翻貝葉

空林積雨長禪枝頻來已為幽禽識散步從教明月隨

相對無言情境會凭欄惟咏考槃詩

登塔 張鳴鳳

絕頂凌蒼漢危欄倚白雲翬飛平地起人語半空聞懸

鐸鳴秋籟疎櫺帶夕曛應知藏舍利頓覺遠歎氛

觀瀑 馬文契

亭前看瀑布殷地動春雷碧漢雙峰合銀潢一道開灑

空渾似霰弄日亦如霧坐久清詩骨慚非太白才

來來此掌初出山靈客響風雨卻建章 少汶

我來拍掌呼仙侶山靈答響驅風雨潭影搖虹落照銜
泉聲噴玉寒崖語群峰爽颯最宜秋便欲移家住上頭
畢竟仙踪何處覓空餘飛瀑學雲流

方夢雷

數上仙巖路扶筇問隱君崖懸紛噴雪木古靜留雲井
自三皇闢名從一老聞相看渾不厭長嘯出斜曛

呂金

何代留仙跡蒼巖獨著名雲開千嶂色泉落半空聲古
木參天秀澄潭徹底清便須乘夜坐帶月聽吹笙

林宗陽 太學生

卜棲曾得山中勝避俗聊尋物外緣夾徑松筠藏紺宇
上方鐘磬隔諸天凭欄坐挹千峰秀振策行參一指禪
自顧身名淹世網且偕童冠詠清漣

林尚春

瑞安人新昌司訓

二月晴空梅雨飛緣崖百仞瀉珠璣誰知潭下藏神物
曾聽山僧說法歸

王光薦

永嘉人光祿寺署丞

香臺聳構倚青岑此日登臨愜素心玄洞雲封疑虎伏
靈巖瀑瀉訝龍吟祇園花木經寒雨翠嶺烟霞接晚陰
閱世誰能超累劫偷閑且喜就叢林

登讀書臺

秦激

逶迤陟崇巘轉睇讀書臺當年悟叅倚矢志忘往來晨襟滌梅雨夕暢聞潭雷伊人不可見惆悵坐莓苔

黃明學 瑞安庠生

長夏憩叢林乘陰歷翠岑摩崖尋幻跡倚石發豪吟二井源頭活層巒洞口深飛泉高百尺願作九天霖

鮑嘉蘊

王正方七日策杖入仙巖柳放黃金線梅披白玉衫耽吟常引几欲賦竟空函博得山靈訓斯人定不凡

馮備

勝境相違二十年于今景物尚依然奇峰翠律千層秀飛瀑流淙九曲泉夜靜溪連三嘯虎晝陰甕坐一方天何時了卻人間事杖步山中卽是仙

吳宗孔

清淺水東流蓬萊秘真境何人闡鴻濛開雲列圖屏竅殿歛孤撐棘峰轉新挺白雲寄上方翠微斷丹嶺金碧披空尚冥探及淵靜鑿沼環種蓮披軒滋宴茗仰止感廢興于焉勞引領霞登信浮踪林棲見孤影緬懷無言說悟悅心獨惺

木葉九日同家兄遊 王叔本 永嘉人光祿署丞

水落青山暮雲開碧樹秋喜逢重九節共作采真遊上
 刹烟霞古叢林紫翠浮呼羣臨曲水策杖陟丹丘浩渺
 孤雲思逍遙野雀儔巖苔依座冷澗葉逐溪流雁影風
 前度虹陰雨外收徑穿松葉暗巖覆桂香幽秋色涼如
 洗歌聲晚更道何當謝塵鞅勝賞足淹留

同張比部梁僉憲游眺

黃卿

參政

林麓暗風泉巖亭敞瀑布澗窟響礮砢嵐光澤草樹岑
 巘聞多奇未辦登游具

花潤生

僉憲

萬花迎笑寺鳴鐘典入雲山翠幾重野雀來巢晡日紫

毒龍歸洞曳霞紅仙人羽化名猶在高士畱題趣不同

歲月漸驚耆舊少一燈茶話獨支公

陳

謙

字益之永嘉人

仙巖勝地鬱葱葱第一溪山落越東曉濕松杉凝霧黑
 春嬌桃杏絢晴紅避塵有迹心猶襍入社無緣趣自同
 更向梅潭尋瀑水醉來永日共諸公

仙巖別業

王奕

字子陵瑞安人

結廬近仙巖於焉屏煩懣牙籤三兩行不問修齡短朋
 舊踏歌來尋常晉瓦碗鄙夫噉石人為築招隱館

懷止齋先生

蔡芳

字茂之平陽人福建副使

白露洗秋晴山容貼天淨訪古上仙巖豈爲窮幽勝仰
止讀書臺荒基混榛徑何處呼先生惟聞山谷應涼颺
灑林端時景覺易暝江河日下趨令人發長咏何以罄
吾思拜揖起瞻敬

更同諸友遊仙巖

徐一經

字伯樞瑞安人南昌通判

爲愛山間趣味長嚶鳴求友晤僧房回追茶院思譚座
更借梅潭漫引觴亂墜天花時拂塵緩尋芳草覺披香
吾來此地窮幽勝擬問祛塵世外方

遊仙巖

許光岳

福建南靖人平陽令

瑞烟縹緲神仙宅玉喬部裏飛雙鳥四時黃雨壑中傾

兩岸青峰雲外碧丹井何年丹初成半貯玉函半白石
誰當訪勝擅風雅誰當駕鸞野馬曉吸銀河天上來
夕餐紫炁日邊下洞門窈窕若爲開福地冲融誰作冶
見有仙人欲把臂更飫淳風湛古誼晦翁遺墨山價高
君舉讀書山堂邃飄然風送謫仙吟笑呼月同玄度醉

梅雨潭

王祚昌

字十洲江西人瑞安縣令

白日飛空雨寒潭儘落梅已知塵世隔何必問天台

仙巖觀梅雨潭

張如霖

江西人瑞安縣令

海上春光盡那堪宦轍勞仙山原宇下遊展曠江臯雨
氣飛巖沫雷聲起澗濤雲間期勝賞先爲省蓬蒿

游仙巖 儲宗

梵王宮殿倚層巒
金碧輝煌壯偉觀
翠律驚峰連下界
凌嶒雁塔聳高寒
龍蛇筆勢先賢掃
金石文章太史刊
獨羨名山真福地
薦膺賜額出金鑾

吳文衍

寺倚仙巖分外奇
碧桃花映紫金芝
天開圖畫凌三島
峰簇芙蓉壓九疑
麝挾餘香春過早
雀盤遠勢夜歸遲
題詩試向山靈問
軒帝丹成授阿誰

陳文會

溪山第一似蓬萊
勢壓甌東亦壯哉
曲澗清流羅帶遠
奇峰秀巘畫屏開
風流要結淵明社
閑雅欣逢惠遠才
笑踏松陰還有約
山童莫厭掃蒼苔

鄭思恭

界道群山著飛瀑
仙巖萬丈躡寒玉
鼎湖昔日何所之
龍鬚片片畱空谷
白雲嶺上陶隱居
應道名軍太史書
楞嚴化去虎已降
杖藜彷彿遊華胥

秦炳

春色留巖岫清遊迹
舊聞嵐光千嶂合
雲影五潭分大地
開諸勝幽期縱一
蘸蓬瀛知不遠
真足避囂紛

流觴亭

林天桴

在昔蘭亭人瀟散事觴咏浮盃逐回波天地一蟻螻吾
徒假遊息時沐山靈寵緬懷舞嬛風樂哉溯曾孔

宿仙巖寄郝明府

何人无咎永嘉人

閒傍支公宿上方遙憐潘令在河陽窻懸飛瀑秋生枕
山壓長簷日映廊野鶻驚棲風鐸響粥魚催供午林香
此中幽事憑誰賞塵外天花滿石牀

釋受御

合壁中開小洞天幻成舍衛給孤園臥龍分水獅峰護
伏虎遺踪鳥道連碧樹珠林環丈室白雲丹霧鎖長川
瓶盃藉此忘塵劫偶伴烟霞石窟眠

林長春

都人行樂地千載此溪山寺古諸天迴巖仙萬嶂環松
風說法淨花雨聽經閑讀罷題詩碣蒼苔已半班

朱子律

字孟昇瑞安人同知

陟彼仙巖嶠幽亭傍翠微玉龍天上降鐵矛峽中飛寺
削峰環壁空濛雨濕衣桃殘蕉葉盡歸路對斜暉

項秉中

久厭紅塵擾行歌喜話禪扁舟遊勝地淨土儼諸天塔
頂懸清鐸池中放白蓮拈香叅聖畢覽遍秀山川

選勝寄遊踪山僧竹外逢
剔苔觀石碣住屐數林松
路轉三三徑亭開面面峰
最閑流水意又襍亂雲春

秋夜仙巖卽事

鄭繼芳

迓喧只愛仙巖好夜半僧過樽
潦倒飛湍風急龍臥遲
殘月橋斜虎歸蚤誰家砧杵衣
正單十里芙蓉秋未老
昔人讀書向何處高臺愁絕添
青草

懷止齋先生次韻

李燦箕

字九深仙陽人瑞安令

撒屑青天幽燃檀白日淨寂豈團
迓禪喧匪屐選勝先生領慧心
靈扃開一徑萬斛瀉奇文逝川
浩無竟挹爽襟常開傳空谷相
應雲壑室生虛烟鐘林欲暝滌
煩散

幽淙披籥發微詠仰止愜素懷
漱芳爰起敬

梅潭

吳稼澄

字翁晉湖州人

透迤轉深峽清淺歷幽渚空潭
生晝寒飛瀑散晴雨轟然振谷
響驟爾奪人語壁峙千仞餘藤
垂萬年許興到呼一樽莫適爲
誰主羅生盤石間秋氣結眉宇
杯光瀉天色蕩漾無端緒雲從
澗底生翠向波中吐顧視忘所
懷翩翩欲冲舉

劉士毅

觀瀑尋幽壑跣趺坐薜巖龍涎
侵賞席花片點遊衫白浪翻銀
海瓊林噴石函仙泉如可掬灑
濯更非凡

林得楨

福地著楞嚴松杉護短簷一溪水渡虎半壁玉鳴蟾嵐
氣宵留塔閒雲晝入簾欲從尋酒社何處訪青帘

張天麟

字平符永
嘉人巡撫

何處憶曾經匡廬入畫屏泉飛千嶂白雲送半山青借
榻叅新偈摩崖勒舊銘勝遊歸去晚林鳥足餘聽

陳士槐

字祖直平
陽人舉人

選勝清和候山深水氣涼泉飛梅雨白雲結麥秋黃石
扃開仙界鐘聲出上方蘭舟迴薄暮明月滿滄浪

蔡大經

飛瀑乘春漲長瀾躍錦流觴歌同舞雪雲臥忽驚秋泉
激山徧寂巖歌洞轉幽松蘿行處滿歸路暮烟浮

山巖謁止齋祠

轉幽岩林木鬱然鄭之良

外江新賦

行役過仙巖瞻眺何崔巍石壁倚千尺飛泉日灑洄珠
玉落隨風蒼茫迥絕埃哲人昔避世結茅高山隈玄宗
久已邈流光照荒臺雲黯三皇井聲聞潭底雷興懷長
太息千載有餘哀

書臺讀李令公重修仙巖誌敬次前韻

霖雨戰林霏山谷颯曲水而登望日中

飛雲總戎

風息滄江平一碧秋空淨閒展仙巖圖臥遊歷諸勝丹

壑陶隱居松蘿夾芳徑皇井濯靈泉帝池乃相應下瞰
梅雨潭林霏山欲暝曲水巾修篁依然可觴詠慕想讀
書臺寤寐生欽敬

太息噴玉磯

陳德新 字仲澡瑞安人

為問仙源坐石磯琳瑯片片上鶉衣錯疑博望乘槎去
支女河邊搗屑飛

仙巖古遺蹟行行轉幽深林水猶然異憩息披我襟迴

泉入重壑邃谷連層陰烟雲倏離合怪樹啼珍禽孤亭
欹磊石震霽飛危岑長嘯清風發丘中何鳴琴從來塵
外意對茲杳難尋欲響人間指玄踪已陸沈

徐待詔

奇巖萃律周遭峙玉虬歎沫光齒齒青天風雨起厓局
日夜雷霆轟地底四削中函一鑑開彩虹銀漢競昭回
只此一生看不足何須雁蕩與天台

仙巖山居

釋慧秀

寺居幽谷裏當檻卽鳴湍人語入雲盡峰陰到水寒草
香娛鹿性松老學龍蟠步履渾忘遠茲山不厭看

梅雨潭 高悅

登嶂層巒景槩幽奔流飛雪下龍湫沾衣欲濕晴疑雨

拂面生寒夏亦秋但見半空披素練不知何處是源頭
如何得慰蒼生望散作甘霖遍九州

香... 翁 樗 字大木樂清人武元

紅塵擾擾百忙間福地初來暫得閒佛法曾傳獅子窟
仙踪似企鳥名山懸崖吼瀑喧逾寂古塔粘雲去復還
直上讀書臺畔望林光如照吾師顏

法堂重建次諸尊宿韻

釋清鑑

天上移來兜率宮山川形勝極尊雄靈湫遠近通三窈
行樹參差見七重作福自來輸有力談禪無問獲玄功
鳥藤未遂為相訪峰頂何當挹惠風

訪仙巖道瑞上人

柳文斐 應道觀訓術

仙山靈刹倚巖阿四壁峰巒擁翠螺龍隱潭心雲氣肅
崔歸松頂月明多林端幽趣無人識門外溪橋有客過
我亦經遊猶駐舄偶聯詩句在烟蘿

次韻

奇祥瑞

豐湖佳客到山阿笑指青山作髻螺勝地有靈丹竈古
斷碑無字綠苔多靜聽風送溪聲到吟看禽拖野色過
他日交游如我問白雲一榻在藤蘿

觀瀑

鄒

錢 瑞安人

纔到仙巖便不凡雲霾風磴轉嘒嘒天開福地二十六

人在翠微一兩三松徑鶴翻清露滴梅潭龍臥白雲緘
無多詩句光幽壑謾使人驚又發函

梅雨潭

洪孝先 字從周永嘉人

野寺緣溪入鳴泉趣不窮影懸蘿洞月聲瀉水簾風汗
漫水花合飛揚玉屑空過從多寶地殊勝蕊珠宮

春暮偕張汝紀王光美同遊信宿

翁朝源 字文淵樂清人

一宿山中寺蕭然絕世氛曉光松櫛露春暖石生雲福
地仙經著禪談夜色分時來看瀑坐不忍便離群

春日遊仙巖

邵倬 字石明永嘉人金鄉縣教諭

境寂蟬聲咽支筇步翠微山花斜映水松翠半侵衣落
落誰知己悠悠暫息機塵踪那得住歸路又斜暉

仙巖聽法

翁胤瓚 字克玉樂清人

聽梵耽僧寺峰峰靄紫氛雨驕添壯瀑松老慣畱雲古
殿聲聞寂長鐘夢覺分徘徊日欲暮歸鳥噪成群

暮雨入仙巖

楊胤光

幽林塵世隔話久總忘機忽見蒼烟動還疑野雀歸宵
深客思靜鐘定雨聲微丈室同聯詠山雲掩夕扉

同諸友遊

鄧淮 吉水人郡守

偶憩仙巖日未曛好風為我掃閑雲遊山何敢希康樂

仙巖寺詩 卷之七 詩文 三六
洗墨徒聞說右軍白髮滿頭惟老守清談滿座盡斯文
莫將嘉會成虛擲合把詩題向此分

趙諫 瑞安人

此山不到已多時追想令人思欲馳塔影倒垂波影動
松聲雅與瀑聲宜論詩便覺幽懷暢賞勝何妨歸棹遲
安得遠公重結社看山終日共支頤

高公愿

名山曾歷幾豪吟好向從來數到今酌茗坐分青嶂曉
尋詩遍踏白雲深山光往往看爲畫松韻時時聽作琴
只有夕陽題未了獨陪孤興在花陰

今將送仙巖鑑空禪師進京

毓 字允成永嘉人

黃梅雨裏發輕舟岸柳青青江水流喜有詩篇壯行色
可無杯茗浣離愁校經曾已頒朝服奉詔重看覲冕旒
好乞天書鎮巖壑廬山衡嶽可爲酬

登湖秋日仙巖

湖 字西澗永嘉人

木落風高山氣清疎林花鳥快新晴微微天影嵐光白
漠漠虹標水照明爽籟遠依仙梵度閒心杳與暮雲平
憑虛更上雙峰頂自覺浮生夢裏行文

自是玉盤珠世賞我人登巖巖川詩王至言 字昭文

松門新向谷雲移徑夾繁陰轉蔽虧芳樹受風翻貝葉

仙巖寺詩
卷之七
詩文
空林積雨長禪枝頻來已爲幽禽識散步從教野鹿隨
自是王維耽妙賞逢人遙擬輞川詩王至言

再遊仙巖
文
林字宗儒長州人郡守

一徑迢遙轉翠微蒼崖古樹護禪扉廿年不到山依舊
此日重來人漸非梅雨有潭龍化去仙源無路崔仍歸
登臨遠眺多遊興謾步溪灣看落暉王

梅潭看瀑
山
王光美永嘉人光祿寺署文

瑟瑟寒颼萬壑松奔流直下最高峰平分斜日搖飛練
半灑青天起臥龍石繡苔紋埋赤字雲開山勢插芙蓉
吟餘拽杖行歸路回首烟霞又幾重王

觀瀑
蘓林字君翰永嘉人

靈巖勝景積陰霏卻散芙蓉曉映暉銀瀑遙空從澗吼
碧流長傍法雲飛澄潭徹影搖金刹落葉經霜濕翠微
况有寶檀名蹟在頓令學佛共皈依

王會昌瑞安人

匹練皎如懸寒生削壁邊洞深六月雪風度一潭烟勢
涌群峰外流分客座前定應高頂上笙篳下飛仙

仙巖觀瀑集流觴亭
戴宗璠字瑞喬永嘉人

寶地尋丹壑春風漾彩舫山容開遠黛水鏡合中泠徒
倚松雲暝低徊瀉瀑縈飛揚奔素練噴薄敵春霆樂意

同濠濮澄襟契瀚溟羽觴流竹澗襖敘續蘭亭良會猶
難再高歌莫促行林光昵宿鳥野火吹沙汀謾酌春風
茗還翻貝葉經餘情論不盡遮莫動晨筵

遊仙巖

熊浩然

蜀人瑞安縣主簿

樂得公餘半日閒乘舟覽勝到溪山燒丹井古應難辨
積翠峰高僅可攀七級浮圖凌碧漢千尋瀑布下銀灣
真然風致吟懷壯一笑詩成顧盼間

虞謙

我到仙巖遊欲伴仙人宿王事苦馳驅看山意不足

李大綬

仙巖標勝境支杖偶登臨月色侵衣冷鐘聲入座聞崖
懸冬後雪潭泛夏前霖蓮社傳青史應從此地尋

段文會

青山對我宛相識我對青山深有得崔來松下獨聽琴
僧出雲間未歸錫古井今無九轉丹巖臺元有三生石
俗緣難舍且辭去遊興依然在胸臆

仙巖有感

王至嘉

字昭令永嘉人貢生

借榻仙巖尚惘如昔年於此夢華胥穿林瀑雨寒人面
繞壑松雲染客裾橋圯安公曾馭虎祠荒陳子有藏書
何時薙髮除煩惱高向獅峰結草廬

遊仙巖坐禪房

陳道言

字雲儕集真觀集會

煉術功多欲勘方乘閒特到遠公房
溪毛帶雨迎人綠石髓含風滿澗香
寶鼎烟分丹竈火齋厨茶沸竹爐湯
我來未盡登臨興瀑灑珠璣六月涼

用韻

吳秉忠

不到仙巖動十霜欣逢此日是重陽
青松不改當年色黃菊猶開舊日香
雲護禪關無鎖鑰風傳仙籟有笙簧
真源欲識當何處黃帝心邊水氣涼

仙巖紀事

陳汝璧

司理

凡說仙巖勝扁舟此日回崖懸奔響
瀑潭底舊鳴雷曲水渾千折流觴共
一杯燭燃堪卜夜莫謂夕陽催

登嘉樹臺

林增彩

字白初瑞安人

日醉烟霞勝徘徊嘉樹臺瀑飛珠地
散翠積畫天開木爲年深怪溪因徑
曲迴到來塵念靜不復問蓬萊

經遊仙巖禪寺

王維夔

永嘉人福建布政

長懷屏迹卜深山勝地招遊一往還
落照荒荒畱古塔清陰寂寂扃禪關
流觴亭畔松皆老積翠巖前鹿自閒
欲借遠公勞竚望虎溪雲斷話誰攀

仙巖十韻

蔣光彥

福建晉江人郡守

巖巖維石勢參天極目風流境界仙
在昔黃金從地布

來西白馬有經傳蓬瀛匹練長虹外甌越靈光孤鶩前
靄靄慈雲千嶂合熒熒慧日萬家懸蒼松樹結空中果
碧玉池開定後蓮橋伏虎踪曾護法瀑飛龍沫亦深禪
高人每集蘭亭勝哲士顓抽秘閣玄一指常侍香火寂
三生了悟雨花偏梵音輕逗霜鐘渺講席閑畱明月圓
何計飄然逃苦海峰頭半榻抱書眠

遊仙巖寄鑑空上人

鍾音 字玉和瑞安人
贈稽勳司郎中

爲愛仙巖似五臺便應衝曉踏莓苔竹邊玉露泠泠滴
松外銀雲朶朶開鑑湛碧潭秋見月瀑飛丹壑夜聞雷
從今策杖扶衰白許借山牕看幾回

遊仙巖

項備 字如兼瑞
安人主事

仙巖景致勝蓬萊挾客同登般若臺滿地金浮裝法界
四山屏列護如來一言了悟成真諦萬劫俱忘絕點埃
身已投閑常到此主僧握手笑顏開

省墓還瑞安遊仙巖

陳茂烈 字時周瑞安
人監察御史

吾鄉山水介中州疋馬西風汗漫遊水木有懷仍樂土
功名無意付丹丘引裾當日誼何切仰止斯人涕欲流
擬借繩牀叅夙契白雲回首未堪留

遊仙巖讀先君遺稿感懷 項旻
瑞安人建
陽令

夙羨仙巖境界幽扁舟今日繼先遊經年梅雨通終古

萬壑松風渾素秋
虎渡溪橋聆法施
鶯啼嘉樹和農謳
家君清賞曾留詠
讀罷遺詩投淚流

仙巖寺

鮑鐸 瑞安人常熟掌教

上方樓閣鬱岩堯
今日登臨興轉饒
瀑布半空寒濺雪
梨花滿地映瓊瑤
僧因定起鐘初罷
客倚東風興自高
記得昔年曾到此
綠陰深處幾停橈

同朱肖若王西華二同年宴集

查絳 溫處兵備副使

峭壁新通一徑偏
仙源深處水濺濺
重遊喜見添幽勝
久坐渾疑隔世緣
送酒白衣來共賞
題詩青竹故應傳

山靈不盡板留意
日夕疎林鎖碧烟

陳瓊 福建平和人永嘉令

翠壁蒼崖闢古天
洞花水藻並稱仙
巢松野雀窺人靜
出谷閒雲嵌石巔
對語山泉堪證性
忘機世路卽成禪
我來到此塵襟淨
笑倚清流抱月眠

梅潭飛瀑 吳鎮瑞安人恩令

三皇鑿透地維穿
萬古巖流擬自仙
捲落晴絲如有限
飛成梅雨不知年
乍觀駭浪疑騰鯉
轉覺殷雷是霽天
幾向巖頭觀出處
源泉滾滾憶名賢

遊仙巖 鍾瑛字文獻瑞安人江西鉛山令

相逢只說好溪山此際方偷半日閑都道方壺浮海上
誰知兜率墮人間瀑流直瀉蛟龍窟烟靄深藏虎豹關
笑倚芳樽吟興遠白雲飛與雀俱還

徐子振

瑞安人縉雲司訓

仙巖佳處幾曾經蠟屐扶筇次第登兩岸松風溪渡虎
半山蘿月路逢僧潭空不早三秋雨洞邃嘗疑六月水
欲覓昔賢留詠跡苔蕪閱歲縷層層

林萬梅

字永魁瑞安人南陽通判

東南靈秀湧崔巍萬壑千峰次第開縹緲烟霞封石竇
蒼茫紫翠擁香臺雪飄古洞雷常吼虹鎖空潭雨忽來
欲覓仙源何處是祇遺殘碣繡莓苔

章志全

會稽人

丹崖千尺瀑泉飛望入西南鳥道微此日淹留須越宿
一尊談笑共忘歸山花歷亂經朝雨江樹蒼茫帶夕暉
更喜遠公容結社與君先製薜蘿衣

劉三重

山東濟寧人

數年夢作仙巖遊意欲逃禪暫爾留青嶂遙開玄洞隱
白雲近傍雷潭浮向午峰陰連閣榭落溪巖瀑振琳球
會招軒帝天池上手擷芙蓉倚素秋

蘓應元

字恭甫北直大興人

見說仙巖古刹幽分明東澗一神州山緣高士名增重
景藉詞人蹟遠悠仙令政閒時過詠禪僧悟到每棲休
慚予何日塵勞息拄杖芒屨探選周

蔡一杲

字子暘瑞安人天河令

仙源形勝擬蓬萊迭迭籃輿踐綠苔雲過翠微成畫景
月來嘉樹作詩媒觴亭酒歇昏鴉噪禪闥香迎晚供開
早解投閒僧話好不須結制逐塵埃

方之正

字中行瑞安人

石結蓮花雲結臺金精元氣此中培風和時沐三春雨
日麗長傾四月霉玉峽倒流天上浪金盆團隱地中雷
登臨自分山靈笑漫賦新詩拚濁醅

蔡察臣

字汝觀瑞安人

路入仙源萬壑松招提隱隱白雲封臥龍潭湧淵源遠
伏虎溪流法派宗仰止書臺懷往哲徘徊玄洞覺仙踪
偶來跌坐臨飛瀑如在蓬萊第幾峰

周應期

字克昌永嘉人副都御史

梵宇莊嚴似化塵况兼洞壑敞蓬瀛靈區合寄仙人跡
丹笈先鐫福地名峰聳碧霄千玉立泉飛梅雨萬珠傾
結廬日日宜來此雙屐披雲更濯纓

林齊鈺

字伯堅瑞安人

溪橋寂寂水溶溶萬壑松濤和曉鐘翠嶺盤旋蹲隱豹
梅潭清泌臥神龍雲移翠壁山容展雨濕蒼巖石髮濃
徐步偶然逢衲話恍疑身在妙高峯

許字孫靈川小聖吳東隱於此

項公澤 字德潤瑞安人 潮州知府

甌東福地大羅巔杖履徜徉禮聖賢梅雨潭邊游俗慮
虎溪橋上締清緣百年光景蕉藏鹿三世生身篆有烟
無俟高僧招隱偈自消名利愛逃禪

觀瀑

丘一龍

字義瑞瑞安人

半生戎馬怯登臨暫爾為娛慰夙心福地從來開寶界
天河誰挽落珠林無風自舞漫空雪不旱先為五月霖
燕體敝裘猶未解相携潭上和龍吟

歷仙巖諸勝

張之琦

林深迷客徑選勝著新題日暖梅花放風和柳葉齊泉
聲雙玉澗樵唱半丹梯暮靄浮琴嶼晨鐘度虎溪翠微
凌絕壑綠巘隱招提洞古龍蛇蟄峰高日月低澄波涵
塔影皓魄映山蹊心遠雲堪臥門閒鳥自啼超然忘世
意便欲卜幽棲

梅雨潭

虞書

一道梅泉來海嶠懸崖奔瀉轉霏微九霄澄徹聞雷震
三伏炎蒸見雪飛素練千尋翻午浪明珠萬斛颺晴暉

讀書臺下瞻文節童冠追隨漫詠歸

登仙巖寺

歐大成

字彥聖廣東東莞人瑞安令

溪山之勝仙巖寺有客乘春此泛槎潭似匡廬來瀑布
井如勻漏洩丹砂雲開步履千峰遠雪霽鳴鐘一徑斜
無上菩提好相問登臨一笑悟三車

遊仙源

蔡鳳

字允暘道人瑞安人

仙源古刹更清幽詞客登臨豁壯眸門外諸峰雲氣濕
簷前返照水光浮叅禪偶共山僧話乘興還隨野鹿遊
莫道俗緣猶未了卻將身世等浮漚

夏遊憇蓮亭

蔡一果

字子碩瑞安人合浦教諭

偶憇幽亭菡萏開無風自擺送香來凭欄翠壁山光射
照檻梅飈遠瀑澄安用竹林追向阮且從蓮社覓陳雷
湯休留宿開禪闔香積伊蒲作酒媒

洪公遂

字孟處壽昌人瑞安司訓

碧樹黃塵歲月賒相期把袂詠流霞山空籟寂雲迷寺
禪淨窻虛月印花翠積三峰看臥象烟橫群木噪昏鴉
嗟余潦倒風塵後已覺星星兩鬢華

梅潭

林守禮

瑞安人鴻臚寺序班

萬壑逶迤鑿翠通板林陟塹正秋中雲邊絕磴迷蒼靄
洞口飛泉飲白虹一自梅潭酣落日遂令蓮社起玄風

山靈固是多幽勝猶喜探奇共謝公

仙巖夜坐

林增志

字可任瑞安人翰林編修

披衣夜踏萬峰巔月小山空境寂然聽久雲濤松籟合
坐深天露雨花鮮輝輝眠雀窺人影汨汨寒涼挂鹿泉
此際無言誰會得點頭惟與石相憐

毛羽皇

字儀伯瑞安人

政暇欣爲汗漫遊澄潭峭壁喜淹留雲端瀑吼雷霆夜
洞口烟橫天地秋坐擁勝情饒濟勝到來幽韻愛探幽
追陪快遂登龍願千載風期此日酬

虎溪橋

項文蔚

字豹章永嘉人

禪林曲徑遙缺岸危橋度虎嘯溪林中猶疑遠公過

仙源阻雨

鄭家成

字元立平陽人

買棹尋幽去仙源一徑微不堪風雨甚滴翠上人衣

仙巖

鮑德純

字公粹瑞安人

山幻非粘石磯危但宿雲支筇有餘興長嘯隔林聞

黃帝池

李璠

字仕器瑞安人封川教諭

不倦遊踪爲世傳滄桑轉曉正堪憐鼎湖飛去無消息
留得巖阿半隙泉

仙巖望臥龍潭

鮑端

字養初瑞安人

一帶鳴泉杳優中匡廬未許恣雄風山僧遙指雲生處

猶有深潭隱臥龍

三姑潭

鍾承美

字尊五瑞安人

一泓清可半山開信是曹溪驛
遞來姊妹止觀隨泡解
笑渠流辦出天台

黃帝巖

李維樾

字蔭昌瑞安人僉都御史

幻軀曾向深潭浣已識三身即化身
不道祇園餐乳後
更從波底覓紅塵

鷹嘴巖

鮑居仁

瑞安人

生來不會頻伽語風落松毛一振翎
佛性渾然忘搏擊
年年長作聽經形

溫州瑞安縣仙巖寺誌卷之八

詩文

清

遊仙巖訪贈天日和尚詩彙集

萬代尚

字開來兵憲河南人

花香鳥語小牕南灌頂醍醐我自酣
長怪東西兩天目
精靈幻出老瞿曇

又

到處青山露法身自持慧劍劃千津
明明寶月懸空際
起滅憑他一聚塵

劉肅之 字欽字溫郡守

簿書終日費纏綿便捷登臨山水緣笑道虎溪門不二
續紛花雨落梅潭

又

信宿招提學坐禪塵心忽淨了無叅雲開相對峰前月
指我明明不用言

曹偉摹 按院嘉興人

携筇訪道扣禪扃紺殿客堯鎖翠屏半嶺泉聲雲外白
千峰黛色雨餘青毒龍聞呪能聽法山鳥啣花亦解經
欲向蒲團叅妙諦上方明月滿中庭

潘之彪 字文山司理

偶尋幽勝踏雲根初地重開祇樹園一瀑飛流追雁蕩
兩峰對峙作獅蹲香飄金粟因風細泉出丹崖入雨渾
况是遠公飛錫在相從有悟卻無言

仙巖瀑布歌

我聞仙巖瀑布真奇觀龍鬚脉脉來飛湍絕壁萬仞何
巉岼倒傾百斛碎琅玕有時風雨相加怒氣搏森森六
月生巖寒有時丹霞映壁蜀錦攤明月照澗流金丸幻
如白龍倒挂青天上首尾出沒神雲端皎如千尋匹練
垂水統迅如下坂駿馬添羽翰壯如錢塘八月潮排山

撼海揚狂瀾聲如雷轟震百里英雄叱咤登軍壇仰面
山頭鎮日看滂沱梅雨何時乾潭深水溢曲磴盤春雲
搗翠泉漫漫我來觀瀑欲廢餐日到西斜興未闌安得
日日當山巒敵以大白相譁譁

屠德隆

福寧州同知

三笑名垂久方來興豈汎溪橋通覺岸瀑布滌凡衷奉
使同靈運偷閒謁遠公頓令心地淨夜坐佛燈紅

謝包京

字令夏進士陽武知縣

仙巖名福地古寺得重新元亮成初志維摩欲後塵虎
溪舟漫泊梅雨杖先親賓主真相契三生若有因

周茂源

字宿來括蒼郡守

早離火宅事空王回首相看是故鄉飛錫再開金刹地
轉輪時現玉毫光嵩山南下傳衣定葱嶺東行演教長
未解經壇參半偈帷燈且宿贊公房

又

紺殿高凌萬仞岡憑虛遠眺辨微茫娑羅樹隱諸天相
蒼荀花分淨土香風細有聲聞寶鐸月寒無夢到繩牀
我今蠟屐同雲水投老何難住上方

陸

舜

字吳洲浙江學憲

山巔碧流水瀟灑落紛紜天半不知處空中時一聞捲

來千尺雪春破滿潭雲覲面霏霏下陰晴總不分

蔡兆豐

字雪餘溫郡守

小溪曲徑好招尋高館張燈夜色侵月出林梢棲雀影
雨餘草際足蛩吟禪關晚鎖鐘聲寂海國秋生霧氣深
顧影自憐塵思擾清談聊欲滌凡襟

王弘化

永嘉人

今日行來晤遠公沂流恰自本天童躬依不二法門上
悟覺三千世界空獅子巖蹲塵垢去虎溪橋直水雲通
翻身認得明明地月在梅潭片瀑中

徐

凝

永嘉人文學

法幢東過大羅岑一帶松杉落地陰花雨春飛獅座迥
禪燈夜照窟林深經行初地清凡慮坐悟空山長道心
况值新晴風日好迦陵處處送仙音

吳亭士

字羽聖山東人司馬

灘上維舟謁遠公行邊斜日照丹楓泉飛峭壁凌巖谷
月印平溪幻梵宮松竹靜搖瞻白業樓臺高迥接蒼穹
曇摩海外初歸日卓錫澄潭梅雨中

葛殿楨

錢塘人平陽縣教

浮生碌碌虛長晝誰是回頭計身後不向潮鳴悟宿根
空伴紅塵起情竇利名幻泡豈能全子夜禪關悟刻漏

君不見佛印與東坡世外之交近若何

釋智惻

字夢帆住天台護國

理筇逢穀日探隱出孤城入徑梅腮白臨風鳥語清樓

臺空遠目水石快幽情近慨懸絲鼎惟師善主盟

包文檀

永嘉人零陵縣令

四圍絕巘遏孤雲銀漢懸空倚檻聞遊倦欲歸歸未得

摩崖剔壁勒詩文

周天鏡

字非臺永嘉人文學

隻手重開舊梵宮一時瞻禮許誰同乾坤忽現墟烟裏

日月常懸寶髻中法界崔嵬金碧麗仙都縹緲紫霞通

行來欲透玄關鑰坐對霜林次第紅

林鴻道

瑞安人常山司訓

虎溪橋畔綠陰肥一帶烟巒接翠微山寂直教雲占住

松高時見雀來依河流浩渺浮杯渡霄漢飄飄卓錫飛

拂轉蓉花明片片坐餘永日足忘機

王至彪

永嘉人副榜

支得枯藤度虎溪煥然雲構見招提印山漫說支公買

匡阜真成惠遠棲半嶺松陰團翠蓋六時梅雨幻虹霓

坐來聽徹三生話不覺時鳴座下鷄

劉偉

本郡別駕

停忙無事暑炎炎趨謁仙巖興自添林密橋通尋惠遠
山空虎嘯慕楞嚴快談終日蘭花放不畏連宵梅雨淹
忽爾光生飛瀑裏晴霞五色映珠簾

話別

李世英 字後生雲
間人儒士

手足情深幾問津仙巖消息得相詢雁鴻離合天倫重
儒釋交叅蓮社新賢弟愚兄真俗諦世尊迦葉仲堂親
難忘熟處家峰泖 松江府西有
九峰三泖 有負梅潭滌垢塵

徐啓震 字古法永
嘉人貢士

何年未震旦紫氣越吳淞拂塵銅官頂輝燈太白峰雲
霞開寶相水月蕩金容廿齡獅子座五夜虎溪鐘慧海
遙源濬皈依樂事逢

林兆斗 字天杓永
嘉人貢士

錫飛此地結孤龕古佛今身得共探虎伏宗風蹲竹院
龍聞演偈出梅潭追陪勝友依猊座幸值高僧接塵談
自分生來無慧業庭前柏子不曾參

林占春 字梅生永
嘉人貢士

生來人外識彌天一日從遊續勝緣龍象弘開臨濟派
鵬鷹重見永嘉禪伊蒲入夜香分供花雨隨風繞法筵
更可陶潛仍結社不須三笑虎溪傳

訪天目和尚不值與西堂廣公夜話

韓則愈

叔夜鄆陵人永嘉令

仙巖勝跡古今傳惠遠重來湧白蓮方丈高開松柏地
三生共坐薜蘿天座前香蕊聞爐篆戶外春禽奏管絃
夜靜西堂相敘話破裘袈上見機緣

養疴積翠樓次周宿來郡伯韻呈方丈和尚

翁胤春

字克生永嘉人貢士

為想當年華子岡仙巖積翠較蒼茫月魂巧寫藤蘿影
花氣濃分艾草香陶令攢眉來淨社王擽散髮據胡牀
早尋解脫饒強健何事多抄卻病方

王錫琯

字又教永嘉人主事

好依雙樹結林丘一種禪機物外投恍得優曇現夢想
喜逢雲錫共追遊流觴亭上醍醐旨梅雨潭前法乳流
閣近玄音清思遠晨鍾暮鼓聽悠悠

蔡行馨

嘉興人司馬

放眼仙巖上憑虛入秣陵手扶天寶刹踏破醖爐水獅
吼無聲法龍蟠不老藤時流元未識慈喻悟宗乘

葉臣遇

修卜台州人楚蘄守

溪山第一舊時名小隊歡從此日行梅雨玉霏千澗落
翠微金洗兩峰晴老僧趺坐花陰細詞客幽尋竹院清
好句問天應自得何須更覓謝宣城

金以謀

仙巖勝跡久塵埃
宮殿粧成萬象開
山響松風和梵語
瀑飛花雨散香臺
高僧名在諸天上
狂客驚呼動地來
信宿歡留情不盡
虎溪相送更徘徊

寄仙巖天兄和尚

釋湛璫

字荆門住杭州梵天

記得中秋別於今十六年
羨兄弘道業媿我守枯禪
海上兵戈後山中鐘磬前
安公當日事千古復流傳

孫天錦

瑞安人文學

影落溪橋水勢長
帷燈下榻贊公房
愛歌白雪春華媚
靜對青蓮夜氣香
蕉鹿夢中身世幻
柳鶯聲裏見聞忙
何時吸取西江盡
滌淨塵緣禮法王

過訪

釋昭永

字霽崙住上海深雪

仙巖名勝屬前唐
大業重扶大法匡
一代洪謨高日月
二時清操肅冰霜
霞蒸寶殿金光麗
峰插蓮花翠藹香
此際但憑千古眼
幽林答響晝初長

話別

一從分手惜蹉跎
翹望春雲長薜蘿
來去鄉關成夢杳
別離兄弟奈愁何
仙巖回憶聯牀少
客路相思把袂多
渺渺吳淞還幾度
君家梓里幸常過

王繼載 永加人文學

幽棲渾不計身名拄杖飄然入化城豈擬攢眉陶令飲
還思握手遠公盟錫飛久占仙巖勝金布應觀梵宇清
聞道楞嚴傳異跡千秋亦復有同情

庚戌夏旱方丈和尚步禱當晚忽霽賦此以志不

忘

密

恰字嘉彩瑞
安人貢士

飛錫帶甘霖菩提一片心農夫喜雨玉休力聽鐘音

劉繩武

乍叩禪關吸玉芽凡塵一洗遍恒沙高樓翻出藏中寶
莖草新開劫外花水噴奇泉懸石壁人留古地讓僧家
當機頓悟非心佛願向名山老歲華

別天目和尚

傅允誠

廣陵人瑞
令

人生會合一浮漚麋鹿誰能作定遊從此遠離禪榻去
何時重過虎溪頭

陳獻御

赤城人處
州司訓

昔年面目本西來重把傳燈手裏栽一箇蒲團藤七尺
相逢舊事話天台

李朝賢

一葦凌虛水一方半規夕照落峰黃風生龍海珠林燦
聲震魚潮寶筏光花雨霏霏歸玉女曇雲冉冉繞空王
微茫山色雙獅伏松柏鬚鬚護法堂

積翠樓落成共日和尚茶話
王錫瑄字玉伯永嘉人刑部司務
縹緲琳宮近赤霄談禪頓覺俗塵銷紅樓乍歇千山雨
丹壑驚迴萬里颺戴笠自甘長避世鳴珂寧辨再趨朝
相逢只合忘羈絆况復東陵此見招

王錫琯

字玉仲永嘉人青田縣教

依山高閣殿梵磬枕邊聽疏洎通泉脉爲樓藉地形薛
蘿仍舊徑翠石得新銘蓮社多同調茶爐烟正青

寄懷仙巖天兄大和尚

釋超喻

字漢關住江南白雲

豈必久相忘仙巖自上方夢思三十載音信八千行巖
桂香飄月池荷冷浸霜他時重邂逅別室賴提綱

陳天章

字公憲永嘉人

鷲嶺憑虛上虎溪拉勝遊鐘聲和梵響瀑勢雜雲流慧
日青蓮界高風白社收漸疑身世外塵跡漫相求

梅靚

字清老宣城人

重開杰閣啓諸天今古南宗振勝緣薄漢珠宮輝佛日
凌霄祇樹滿花田巖邊礎嵌昇仙石徑下流通丹井泉
從此皈依來法界白蓮香遍梵王筵

楊胤光

字覲文

靈巖幽勝共登臨始信仙源尚可尋瀑落銀河晴亦雨
雲迷玉洞晝常陰蒼松烟泛澄潭影叢桂香飄清梵音

無數奇峰獅座繞行吟空翠濕衣襟

釋照先

海內稱名勝到來信不虛山藏羽士穴水繞法王居破
句人長往傳燈道復初是誰言出處猿雀也嗤余

李象坤

字寧侯樂清人選貢

維舟初入寺肅意禮空王復道纔通殿迴簷卻遶廊紺
嵐隨處合綺館坐來香不著登山屐何由到上方

陳振麟

字雲趾永嘉人舉人

大羅之陽有福地洞壑崒嶭含幽異飛泉射日瀉珠璣
峭壁摩天積蒼翠此地曾為佛祖居獅峰南北拱緇廬

滄桑以來勝蹟改雁堂鹿苑成丘墟自師錫向東甌挂

剪棘芟荆闢蓮界千區精舍布祇林點綴名山宛如畫

彌天功行世無加遠接曹溪近永嘉堦前時有鳥投果

座畔嘗看天雨花春秋六十推耆舊輪齒珠眉姿獨秀

山中丹井笑軒轅吾佛從來無量壽

任右君

字星園中州人郡通判

海天佛日駐光輝僧臘人間百歲希浩劫應尋雙寶樹

流年初度六銖衣鳥巢空室禪枝長龍繞香臺法雨飛

白社可容彭澤似將心獨向遠公歸

范文邦

字憲侯平陽縣丞休寧人

五載三踏仙巖路路轉峰迴勝自知樹老寒暄無異色
山深向背有餘姿寺當捧鉢分齋後僧是聞鐘大定時
出要忘言領秋興筍輿松影夕陽移

李象震

字青侯樂清人文學

不到仙巖近廿年今從勝侶躡春烟松濤萬壑雲中出
瀑雪千尋嶺外懸茗椀坐深歡福地鐘聲初動蔚藍天
逢師此日重開社如向廬山見昔賢

周天錫

字懋寵永嘉人貢士

夙昔皈依願因師古道存銷融塵世障憑仗法王恩白
晝龍歸鉢清風虎臥門慚非周續侶獨向遠公論

釋超無

字多子住密印寺

滿院清陰晝不熱維新福地人間別問玄小艇乘風來
談素重關當午揭兵氣銷爲青海雲閑情點作紅爐雪
門開甘露復巋然三笑薰風何快絕

王安國

永嘉人

福地重興瑞麓東建旛今日有誰同御龍古帝尋何處
伏虎神僧喜再逢積翠峰頭懸寶月通玄洞下振宗風
自傷白日塵埃裏那得皈依也悟空

王昌裔

龍象瞻依在昔年寶華座下聽談玄法雷震響人人仰

慧日流光處處圓講撤碧紗長布雨堂垂祇樹接飛泉
過橋雖幸成三笑猶愧無能得學禪

梅潭觀瀑

吳自道

字謙三進士

水光浮碧落數仞與雲齊韻夾松風古蘿牽月樹低銀
河傾萬斛玉溜澤千畦坐久忘機息將軍命和題

次韻

梅潭清見底環繞數峰齊呼瀑風猶快忘遊日易低
空同玉匣倒影若栽畦賞翫凭騷客靈竒任采題

釋佛鐸

字化國

玲瓏巖罅瀉寒流散落風前待客遊晴雨忽消三伏暑

空濤點染一潭秋危藤倚石飛花影細草沿山翠欲浮
坐裏禪機渾可得傾珠萬斛出神洲

釋同揆

字輪菴住紹興能仁

噴玉磯邊曲徑通摩崖覓句思無窮澄潭舞雪寒生霧
峭壁沉山冷化風萬壑松筠搖不盡千尋羅綺織難工
雲山迢遞常懸想掃葉空林此快逢

王一鵬

幡幢高建復誰同拄杖行瞻得遠公妙法弘宣驚臥象
慈雲遍覆起潛龍雲封巖嶺塵常隔月渡溪橋色自空
嫌我久罹滄海變那能長侍鶴王東

王言綸

無緣躡屐訪禪關長自塵羈半畝閒軒帝馭龍無覓處
安師伏虎可追攀蘭亭曲曲觴流水積翠森森影動山
漫効淵明來結社且將詩句問公刪

仙巖卽事

王復禮 字艸堂杭
州人

仙巖在何許乃在甌之東止齋隱其處羅隱棲其中溪
山真第一洞壑何玲瓏余來恣游覽暮春天氣融深林
開積翠徑發幽花紅借朋陟絕巘笑語凌蒼穹流觴當
曲水憩蓮挹孤踪有潭名梅雨噴薄落晴空恍如垂匹
練又似走玉虹塵心久蕩滌對此益銷鎔糝糠天地小
野碓水雲春留題徧巖石夾道圍青松林泉猶夙昔往
哲去何從渺渺興長歎優游策短筇達人多微旨吾將
問遠公

奉陪蘓兵憲遊仙巖因訪天目和尚

林必登 字翰仙永
嘉人文學

五月薰風好溯游南塘一帶雨初收鉅公乘興開吳榜
下士追陪載洛舟狎客沙鷗將遠近避人水鳥自沉浮
咸言選佛牽青翰兼識明農向綠疇屢道蒼松沿路立
入門蒼匍繞堦幽旌旗縹緲交旛動瓔珞輝煌結珮遊
僧供伊蒲滋味醞堂張阿若暗香柔行行不徑恣心賞

轉轉奇峰刺眼投辰匪永和翻曲水時方逸少挾名流
澄潭無底清堪印野碓懸空響自由百丈瀑吹晴裏雨
千尋松冷夏中秋彌川况復通摩詰紺宇爲隣得貫休
小構且存天地態一泓洗盡古今愁衣裾染翠猗巖樹
杯竿分紅艷海榴賢主不逢猶下榻嘉賓更上自層樓
既疑世外成三竺又似人間有十洲闌夜木魚聲隱隱
未明林鳥語啾啾山傳安石娛絲竹峴說羊公翫布裘
惜別烟霞終欲痼言歸猿雀若爲留寺門鎮玉風依舊
花墅行杯興共悠從是園亭增絕勝常教丘壑足夷猶

釋超振

字宗南

溪山到處是遊踪獨有仙巖憶昔從泉激蒼崖驚伏虎
松臨碧澗影如龍深林石上看朝爽落月牕前聽晚鍾
幾過遠公棲錫地詩題不記紫苔封

周清原

字蓉湖晉陵人
浙江學院

愛山恰喜得名山况有仙巖任往還百尺寒泉飛絕壁
四圍積翠擁禪關心持半偈月初到座演三車石不頑
我扣花宮問真諦嶺頭遙指白雲閒

又

翠靄層崖千萬重逶迤一徑入雲封敢携謝傳登山侶
卻值支公出世踪突兀虎蹲巖畔石紛糾龍攫澗邊松

仙巖寺志 卷之八 十五
竭來已覺煩襟滌攬勝何須雁蕩峰

次韻

王成 字訥菴瑞安人文學

仙巖自古擅名山咫尺扁舟去復還竹杖穿林通梵刹
芒屨踏翠扣禪關雲無心處幻非幻石點頭兮頑豈頑
我亦有緣聽妙法何妨半日作偷閒

又

白雲紅樹影重重山谷虛閒靜不封曲水流觴仙子蹟
書臺積翠古人踪烹茶喜汲梅潭瀑踏月還看石徑松
攬勝不知歸路晚秋光引我上高峰

劉德新 字裕公溫郡守

仙巖幽折叩仙扉梅雨潭邊坐翠薇倒映晴崖垂玉練
高懸絕壑瀉珠璣碓聲挾水春雲碎鳥影穿林共葉飛
龍穴獅峰觀不盡長松翳日冷清輝

釋祖默 字佛音住南禪寺

巉崖居處閑不徹竹杖無端看鬧熱塞壑填溝共馬牛
睽違猶憶蒼山別忙忙宇宙幾經秋毛髮如霜難剪割
泣念先宗滴血人獨憐我拙頑于鐵兄南弟北空懷抱
何幸甌江來敘節趙老龍團莫可誇曹山顛酒真豐潔
他山皓首未能歸歲暮年窮難解說六雪飛飛徹骨寒
慈雲覆我何其切

龍門劈破兩峰開放出銀濤吼晚雷半壁濺成珠散下
一簾晴作雨飛來石留雲影無纖翳水漾苔痕絕點埃
安得一朝塵事盡短筇長倚碧山隈

又

買擢尋靈徹經行果有儀南宗容我問西意恐難窺歷
盡雲閒處方知山靜時多君留信宿一接飯香匙

薛

復

字跛菴

偶歷三摩地悠悠習靜時桐陰當戶冷日色出林遲得
意誰能會忘機我自知何須揀喫棒設難問吾師

王世拯

字若霖

冒暑經丘壑相尋支遁遊山青雲不礙瀑白雨兼浮翠
滴松軒古清搏竹檻幽坐來塵盡滌涼思欲生秋

吳

疆

字坦原

山中雨初歇信步到香城令我發深省悠然生隱情溪
晴翻石影松翠撼濤聲祇此皆禪意靈雲豈浪名

龐

遠

字翼宸

山色籠從嵐氣浮結廬都自靜中收飄飄蘿壁吞烟濕
歷亂松風入澗幽遶徑清陰雲影散滿天空翠月光流
自慚不及許詢甚賴有支公一快遊

李珍 字上侯

已分幪頭老沒名何緣來踐上方清因嘉白衲多真意
猶喜青山不世情欲霧欲雲傳竹色如風如雨到松聲
禪機卽在天龍際深夜疎鍾定後鳴

釋瑤杲 住相國寺

昔遊名勝廿年違放蕩雲山問息機風雨仙巖勞寤寐
芳菲鄉國寄愁歸儀型到處人天集猊座隨方龍象依
慟我萱靈猶旅瘞識神時復聽玄微

王演霈 字彥仁永
嘉人貢士

入山一帶勁寒松繞蔭禪堂翠影重五義了詮方授鉢
三車試演近聞鍾天花紛逐梅潭雨悟石凭看獅子峰
世上閒人誰得是檀林此日樂相從

林齊鉉 字仲覺瑞
安人文學

軒帝升遐馭六龍名崖猶自記仙踪飛花勸飲流觴水
啼鳥催詩積翠峰霽雨晝晴青澗落書臺春曉白雲封
遲遲爲待還山錫一向浮生問所從

同括蒼王芝山年兄橋梓暨弟遊仙巖

林青雲 字龍友瑞
安人舉人

仙巖屐齒久相違此日重携入翠微芳艸春依深洞綠
桃花醉點碧嵐飛遊人勝集流觴水釣客行歌噴玉磯

最羨天倫同樂事
評詩品月竟忘歸

次韻

王繼祖
麗水人舉人

可喜名山願不違
晴嵐輕散午陰微
峰攢積翠留雲住
巖瀉清流作雨飛
紺殿迴廊真福地
深潭片石儼支磯
此行飽得林泉趣
擬泛扁舟載月歸

林瀚雲
字友瑞安人文學

未向仙巖數往還
登臨此日愛躋攀
通玄洞口鶯花暮
積翠峰前綠草閒
偶過高僧烹茗汁
勝隨遊客記名山
携柑載酒歡無極
幽壑泠泠豈世間

妙泰

遙想獅王座
烟霞滿化城
溪光流梵唄
月色冷風情
瀑布明珠屑
松濤法雨聲
幾年瞻未及
夢寐謁高名

許來惠
字伊嵩瑞安二尹

幾度仙巖入夢頻
梅潭重坐舊來身
靠山水碓春筠粉
夾岸虬松種
扶神入座雨烟濺
客面翻厓雪浪滾
龍鱗借師一袖軍
持水洗我征衣十丈塵

潘錫桂

仙巖深處訪禪宗
西國由來此地逢
昔日有心懷密印
今朝不意遇中峰
錫飛鬪解溪邊虎
鉢托降歸海外龍
我欲洗塵皈座下
雲堂清曉聽晨鍾

周

泮

字魯先永
嘉人文學

薰風拂拂送行舟
眼底林泉興自悠
洞口斷雲芳草合
巖巔飛瀑落花流
翻來貝葉諸緣靜
聽到鍾聲萬慮收
可是三生曾有約
高歌此夕樂優游

黃石書

烟壑客筦萬木深
龍堂開處遍黃金
座當瀑布喧偏靜
地近雷潭書大陰
上界風生仙梵響
隔花雨過遠鍾沉
十年雅結優曇夢
何日從師侍石林

謁陳止齋公祠

李

敷

字長陽瑞
安人文學

落紅流景又何如
寂寂茅堂春事餘
千古葵心惟向日
百年忠膽見遺書
清香自可祠臣節
白髮還堪引帝裾
記得消閒持釣處
從容猶是舊時魚

屠發祥

字將字晉
陵人

亦愛林泉好安禪
向寶山無心雲出岫
聽法鳥銜關庭
葉隨風落梅泉帶雨
閒高踪勤仰止
何日許重攀

仙源行

釋佛空

字太虛

為愛仙源勝清晨
漫自行幽禽依樹噪
曉月傍峰明遠
上雲中路高登山
半亭凭欄觀瀑布
入壑探龍泓瀑布
聲淅瀝龍泓響
砢澎青天作烟雨
白日鼓雷霆奇哉果
靈異悠然暢我情
賞心猶未已
谷口莫雲橫

靈異鐵皮樹

釋佛功

字不宰

有心曾極到心空猶操年年霜雪風脫盡繚織身似鐵
婆娑永鎮法王宮

雷潭

能投拳石便成聲信是春雷平地生我亦臨崖出隻手

潭中龍臥也須驚

梅雨潭觀瀑

釋佛化

字性淳

峭壁聳巉巖巉巖抱靈穴源頭石髓清千尋盪幽沈終
日倒狂瀾長年春白雪只此瀑飛花宛如梅雨節晴空
微濛濛盛夏寒冽冽得意此山中奇觀真迥別

次周學院韻

釋佛皋

字雪朗

不辭跋涉入深山自惜難逢豈便還月印寒潭光皎皎
聲傳空谷鳥關關釋儒不二知誰省天地無拘許我頑
適意倘然忘去住奚妨長夏作消閒

又

深幽巖翠叠千重野霧溪雲散復封狂瀑和風生好句
嵬崖刻字紀遊踪清高勁節沿溪竹秀聚濃陰曷徑松
鬱密森森多外護梵王宮殿繞群峰

觀瀑

釋佛嵩

字履上住
興國寺

看瀑梅潭上仙源灑碧空晴崖如雨節倒影即天宮峭

仙巖寺詩 卷之八 壁蘚苔盡危亭雲霧中水光紅日逗變幻似懸虹

虎溪步月

釋實炳 字克念

晚踏溪頭路紆迴徑轉賒白生峰頂樹光泛水中花夜
嘯風驚虎時寧林宿鴉賞心橋上立天地水雲家

梅潭飛瀑

危巔落瀑布灑灑動人看素練隨風曳飛濤激雪寒潭
深雲氣冷花發鳥聲歡煮茗頻來坐中冷味一般

釋佛鼎 字九化住慶雲

梅潭久坐洗心涼瀑落空中千尺長茶煮趙州消衆渴
源頭親見更難忘

登翠微嶺

釋佛照 字海月

翠微路曲似雲梯插面峰巒繞碧溪幽趣由來多異景
嶺頭時見白雲飛

登讀書臺

李化龍 瑞安人

不辭杖履一登臺範俗文章八面開古往今來皆仰止
臨風惆悵濕蒼苔

贈目老和尚

文佛古今宗皈心在在逢德光彌宇宙道力踞獅峰偉
望文如虎雄欽筆似龍繽紛花雨外請法扣洪鐘

虎溪夜訪

李際泰 字若燾瑞安人文學

香林鐘罷衆音稀
得得溪頭步石磯
碧漢雲開天際朗
空堦月上世緣非
蘆邊短笛吹漁火
橋外飛螢映翠微
忽覩遠公丰采奕
恍疑寶樹夜生輝

仙巖省師

釋佛彥

字範遠住
護國寺

本來無一物
大道得相承
開法出山去
省師山復登
登山惟仰止
山勢自峻嶒
手辣調狂象
心慈宿展鵬
翠微蘭惠發
瀑布雪花凝
潭賞叅玄客
堂歸坐臘僧
幽深多勝跡
暑伏少炎蒸
白棒敲明月
金錚起積盲
仙巖千古重
小子百無能

周

謨

字顯若瑞
安人文學

曾分法雨藝文壇
禪藻揮成筆底翰
棘院文章流瀑布
心齋止觀隱蒲團
毬翻海外雙獅勇
錦簇峰前一塔攢
多謝吾師垂護惜
東林笋意欲舒竿

梅潭卽景

釋實遂

字素心住
翠微院

瞻仰峰頭影影高
俯觀潭底湧波濤
龍蛇渾入懷明月
魚鳥同行透碧霄
瀑雪風飄飛蛺蝶
水珠日映落葡萄
不妨具眼陰晴上
真幻相參莫可逃

積翠春望

蕩蕩春風二月天
登臨積翠上峰巔
溪山十里消新雪
村舍千家散曉烟
古寺鐘聲晴漢外
高松鶴唳白雲邊

經行到此仍舒嘯豐草叢中起鹿眠

梅潭觀瀑

釋佛成 字宗要

天際飛流雨色霞銀河倒瀉出雲端飄飄似練懸丹壁
零落如珠撒玉盤直入滄溟涵日月衝開烟浪起波瀾
任教帝子難分剪高挂長空作大觀

釋實位

字無立住寶興寺

巉崖高萬仞瀑布幾千尺風搏霖雨飛潭注珠璣積晴
空烟雲生濛濛多潤澤別有一壺天不與塵凡隔陰蔽
夏亦涼邈焉離火宅能令濁世清能令煩襟釋紛紛滿
虛空瀟瀟自今昔

仙巖卽景

釋越時

字德念

寰中福地豈尋常雲水家鄉選佛場龍起梅潭終日雨
風飄蓮沼六時香交輝上下虎溪月積翠東西雁序行
曠遠無涯猶晚眺歸林雲鳥帶斜陽

春日仝葉雲生遊仙巖

施沃

字宮鐸樂清人文學

春晴拉伴訪名山爲愛深林蒼翠間風撼虬松聲謾謾
水流曲澗响潺潺高原憑眺舒情遠幽徑徘徊入望閒
倘得塵緣疎累絆還期叅請聽玄談

登霖雨潭

釋佛隣

字子瑞住般羅寺

霧烟霉氣松陰濕路滑偏從崖畔入風雨一潭出谷來

碧天依舊懸紅日

遊仙巖

釋心靈

勝從中雁見名山萬丈泉飛積翠間地以福傳開佛國
巖因仙著露獅顏每乘明月聆揮塵時共浮雲靜扣關
為慕吾師風味古常携瓢笠此投閒

梅雨潭

釋佛慎 字惟道

覽勝尋幽莫畏寒臥雲深處地輿寬雷轟白日醒人易
雨撒青天晒物難怪石臨溪如虎飲老藤沿壁似龍蟠
霧嵐密密潭中起到者還須着眼看

釋越巖 字恕芳住歸雲菴

登臨度翠嶺觀瀑坐巖臺灑沫疑春雨奔聲若夏雷龍
蟠雲霧起虹臥日光開瑩淨梅潭水九重天上來

過訪天目和尚同觀梅雨龍鬚雷潭諸勝

潘

耒

吳江人翰林院檢討

仙巖飛瀑天下雄溪山第一書晦翁我浮扁舟溯新漲
溪迴谷轉聞疎鐘龐眉導師此卓錫芟除榛莽開琳宮
相逢一笑如宿契孤筇導客穿雲松危峰齧天虎牙豁
怒瀑震地雷車轟渴虹千尺挂天矯水綃百幅懸瞳矐
時隨迴飈濺飛沫梅天小雨來濛濛更尋雷潭攀絕壁
巖腹甕剖中嵌空俯窺沉沉黑無底轉石下墜聲鏗磴

遙看白波落雲際龍鬚冉冉垂天風三潭境界各清絕
 水壺洗面雪澡甬我登雁山及玉甌已詫剗劃煩神工
 不圖南遊復見此造物變幻無終窮禪師枯坐萬緣息
 話到山水還飛翀選徧千山獨棲此詎那觀瀑將無同
 一宿繩牀淨心魄朝來欲別愁匆匆奇峰秀壑領不盡
 翦取疋練懸窓中

聖壽寺疎鐘

釋佛質 字中安住 兜率院

誰記名山勝鐘聲傍晚傳和雲穿斷壑帶月度層巔清
 韻飛人外寒流激石邊飄飄隨地震靜聽了塵緣

梅潭觀瀑

源頭來自遠梅雨故紛紛細沫緣崖下清音隔嶺聞潭
 澄傾碎玉風迅亂飛雲一派懸空落冷然絕垢氛

贈目老和尚

陳大受 麗水人文

無緣謁石頭路滑鎖深秋結想烟霞侶冥撥水石儔瓊
 瑤何以報珠玉輒輕投他日梅潭上應能慰所求

康世綬 永嘉人文

十方緣結未生前飛錫重來遍大千不是神通推應化
 卻因道力到忘筌泉流九曲曹溪水花長三春優鉢蓮
 寶掌老人曾此過至今巖壑亦稱仙

梅雨潭

鄭文標 永嘉人文

洞口寒源細雨霏遊人晴日亦沾衣携朋跌坐丹崖上
百尺流泉玉屑飛

梅雨潭觀瀑

釋越靜

字無文住天柱寺

尋幽消酷暑看瀑入層巒梅雨凝眉濕薰風拂面寒遊
情因此重詩思不勝寬更喜亭臺上踟躕作大觀

辛未孟春隨郡侯入仙巖看梅雨潭

吳

雙

字漢公貴池人經歷

仙航春泛為憂農露冕行郊涉下邕錦纜紛牽飛彩鷁
牙檣輕拍是游龍艤舟穿徑松蘿合繞砌摳衣石磴重
殘塔孤撐玉柱立名巒聳秀法雲封上方音徹聞鐘動

下澗溪鳴住水春山峙兩開閭闔戶瀑流中斷箔簾衝
銀絲萬縷散還聚蒼壁千尋倨後茶坐愛虛亭能遠俗
尋來別墅更開胸晴雷轟耳千秋注梅雨沾裳四序濃
暮鳥爭歸喧下上老僧入定氣雍容紆迴古刹多名碣
羅列幽篁鎖翠峰蠟屐沒先遺盛事紗籠今昔邁前蹤
相過百遍無闌意正訝三生異數逢不是提携隨五馬
何緣遶道扣禪宗

同友項宜遠暨姪伯先遊仙巖訪天日和尚

朱右臣

字簡在永嘉人貢士

徧遊名利到仙巖第一溪山字未剗噴玉磯前閒虎豹

仙巖寺詩 卷之六 詩文 三
憇蓮亭畔老松杉嵐烟斷續迷尋壑漢影橫斜落玉涵
彼岸欲登纔夢覺好從惠遠借慈帆

項敷治

字宜遠永嘉人庠生

獨步扶筇上疊岑迦陵處處送仙音梅潭碎玉寒光蕩
丹井畱雲爽氣森壁翠斜瞻羸檜畫松濤側耳奏絲琴
慧光塔上趺跏坐湫作龍飛帶雨吟

朱梅芳

字伯先永嘉人庠生

福地招提應運開仙巖勝刹擬蓬萊瀑聯天漢龍時現
月照溪橋虎夜回雨霽烟橫湖石塔風清鶴步讀書臺
何時脫卻紅塵障獨對高僧辨劫灰

次周宿來太守韻賦贈

陸

進

字蓋思餘杭人司訓

振衣春早上高岡雲影天空迥渺茫一樹娑婆新變色
滿庭悉■靜生香談經曾下臺前雨聽法還參猊座床
月冷霜侵清夢斷不知禪意着何方

沈國輔

字仲衡杭州人遊擊

曹溪瑞日照瀛洲繞澗笙簧萬派幽法遍娑婆增甲子
心空色相任春秋壽筵雀舞松花落禪室芝生曉露浮
遙挹祥雲千嶂外欣逢浴佛祝添籌

釋元盛

字慰弘住寧波天童

似有仙人斧鑿存奇峰卓出削雲根潭明玉鏡山如幄

水瀉珠簾月作門
霓飲宛同雷出壑
泉噴疑是雨翻盆
松風句闡楞嚴古
塵尾繩床道自尊

過仙巖訪天日和尙

呂弘誥

字宸書平陽人明經

窈窕四山碧逶迤
一徑深泉清朝梵
碎雲暗暮鐘沉拂
塵烟侵几摩松翠
濕襟法幢心即佛
何處更安心

黃雲岫

字軼青平陽人文學

尋師來此地萬境
一時空得句同敲
月談經細抹風竹
筠侵几潤嵐氣入
門濃為問西來意
雲中與水中

遊梅雨潭

陳日浴

字越山福建人

探奇先就近引向
此亭行巖烈天驚
破泉飛石怒生不
聞千仞撼惟覺一
心清若假風雷勢
應增噴薄聲

又過訪不值

窮陟峙之背龍從
細路斜墜泥剝洞
腹削棘露巖牙未
即望崖返徒然繞
座賒祇叅衆石丈
話落半天霞

甲戌冬日天目大和尚以仙巖木如意見贈并題

偈言率和來韻

周清原

字蓉湖晉陵人通政司

靈木原未枯灰心
久如石指木作如
意心意適相得攜
來自仙巖心心永
不隔此日承師一
破逃頓空五蘊與

六識

祝天目大和尚七秩上壽大

蔣埴字曠生吳門人辛丑乙丑進士

仙佛本同歸坐證空卽色行看大地春二月初十日梅
雨潭千頃霞飛山盡赤碧落永無生紅塵何間隔古今
片瞬間乾坤一拳石從來仁者壽仙巖是安宅

遊仙巖訪天日和尚

吳梅鼎字宜 興人貢元

訪得仙巖法苑通松風謾謾應宗風東西積翠沾天潤
南北獅王踞地雄月映萬山明性海雲隨雙屐到虛空
餘生久有辭塵想萍跡須歸石室中

張學純字敏亭錢 江人探花

着屐登臨趁早曦山藏金刹淨威儀濛濛梅雨經年下
謾謾松風儘日吹僧過溪橋聞虎嘯人從塔殿見虹垂
柴扉不厭頻相扣乘興重來應有期

贈天日和尚

劉廷璣字玉衡遼 海人兵憲

四壁蒼然一徑通瀑飛成雨吼成風老松亂點峰頭翠
落日遙銜塔頂紅繫虎僧歸頑石在讀書人往故臺空
是誰能解枯禪意五十年來只此中

觀瀑

張淑齡字授九宛 陵人文學

超然仙蹟幾經過倒瀉千波入眼多一水清溪流玉帶
滿山紅日現銀河風停偏浪飛梅雨響發常呼積翠阿
欲向澄潭敲雋句松濤竹韻共吟哦

遊仙巖

張祖謨字衣聞關 中人文學

共向溪山看瀑流碧峰深處小亭幽丹巖高聳銀河映
玉澗湍飛白雪浮聲作松濤形作帶晴疑梅雨夏疑秋
同人此際歡無極好約重來話舊遊

次韻奉答

沈

雍

字汝菴雪川人平陽教諭

寂寞雲亭意泊然空梁時聽燕呢喃惟耽飲酒如陶令
強去臨書愛米顛心雜自知難入社途窮可許學逃禪
名山對我常相識福地逢君是宿緣貝葉乍翻思合掌
惠余志册蓮臺有相願和南開山應已稱初祖解帶誰能繼
昔賢幾度勝遊曾有約芒屨還到虎溪前

省師七旬

別

涯

溫陵人

為上雲堂一禮師巾瓶久侍去歸遲半生蒙贖疎于拙
千載宏規格不移松古蒼蒼應喻臘桃顏淺淺詎裁詩
再聆玄誨親無倦猶記當年訓育時

慧光塔落成

曾經劫火久殷憂喜值重光豁兩眸睿記汗勞功七載
誠為法力事千秋聚沙果證原難得窳堵新成詎易求
莫謂棲登閒極目遑瞻大地一沙鷗

梅雨潭觀瀑

釋照毓

字繼南會稽人

峰頭飛瀑出何年自久珠簾洞口懸爛浸晴雲堆澗底
狂飄梅雨濕巖前輕拋玉粒無人拾狼藉銀花孰箇憐

小憇片時毛骨冷炎炎夏日亦秋天

遊仙巖題贈天目大和尚

朱士煜

字潛初永嘉人

為愛名山半日稽杖藜隨步入招提龍歸潭水和雲臥
鳥集松林帶月棲積翠樓頭承塵語昇仙巖畔覓猿梯
深慚到此非陶陸相送奚煩過虎溪

登慧光塔

寶塔重輝卓梵天宗風遙接遇安禪華簪插漢纏霞綵
鐵筆書空篆翠烟世界三千圖畫裏相輪七級斗牛邊
象獅前後長為伴穩坐文殊與普賢

和張探花遊仙巖韻

越

凡

字香霖瑞安人

海日高昇見曉曦朝陽時有鳳來儀聲傳蘿薜金鐘響
韻落梅花玉笛吹虎嘯溪邊風自至雷鳴潭底雨空垂
畱題翰墨光千古山水遨遊再可期

夜入仙巖與天目和尚茶話

吳陳琰

字寶崖錢塘人

微茫先見塔燈紅船到山門路暗通一徑陰雲催夜雪
三更仙梵散天風聽泉僧老空巖裏看竹人迷積翠中
坐對忘言頻試茗不知蓮漏滴將終

曉登慧光塔

寺門窄堵幾回盤金碧爭看復舊觀簷樹無風鈴自語
山嵐不雨袂先寒天開畫軸河流轉檻印泥香鳥跡殘

攬盡千峰朝氣爽身輕已覺骨珊珊
寺門梅雨潭觀瀑歌

君不見浙東瀑布天下無天台鴈蕩名齊驅更有仙巖
水奇絕此間合是神仙都瞿曇導我翠微嶺長松古柏
排千株瀑聲漸近見碓磴雷車動地轉轆轤層層峭壁
老藤縛有穴彷彿猿猱呼雙巖對削十丈許飛泉數道
直復紆捷如驍騰白馬下曲如蜿蜒神龍趨噴薄空潭
作細沫晶盤滾滾牟尼珠乍立石罅訝天雨濛濛濺濕
人衣襦迴風有時極變態玉樓起粟寒饑膚轉上小亭
直下視生綃或有鮫人輪碾訇震耳聲不絕高同金鼓
低笙竽流自太古石不敝化工奇闢豈易摹不知來源
幾十里支流分散山僧厨祇惜村人不喜釀但供香茗
烹磁壺他年擬趁梅雨候澎湃定可吞江湖速呼濁酒
發狂叫徑從絕頂攀龍鬚

上有龍鬚潭
亦有瀑

龍鬚潭

白虹垂空山遙聞鉦鼓震突來百萬夫對砍魚麗陣欲
問髯有無龍去君莫信

雷潭

山腹裂石澗幽幽注深甕一碧冷侵骨投石殷雷動聲
定午風來山鳥時一哢

三姑潭

空潭碧澄泓泉飛自此止仙姝冉冉來拈花契微旨一
去杳無言行雲送流水

三皇井

仙踪藏宿莽自昔謝公尋辨取淡濃味冷然太古心

黃帝池

鼎湖龍上天一水泓然靜曾照弓劍人此是軒轅鏡

昇仙巖

何人此上昇巖逼霄漢吾欲挾飛仙凌風生羽翰

通玄洞

古苔鎖空巖日夜聽潭水宛轉洞門通素心正如此

讀書臺

林深佛火現彷彿讀殘書人去石臺冷空山響木魚

流觴亭

羽觴隨意泛何必問蘭亭曲水照殘日幽人醉未醒

繫虎石

見說仙巖石繫虎恰如廬阜虎遊山

廬山慧永禪師能伏虎有遊山虎

高僧大有安禪力借我於菟日往還

虎溪橋別天目和尚

東林記踏古苔青一笑山中猿鳥聽此日送人隨虎跡

隔橋應有過溪亭

春日遊仙巖和家大人韻

劉

垓

字靜川遼海人

山脚盤紆杖屐通寒潭水落谷噴風石臺經雨侵衣碧
竹院藏花映寺紅七十歲僧顏未老幾千年樹腹多空
漁歌唱起溪橋近一棹人歸暝色中

遊仙巖卽事贈目老和尚

曹

紳

字雍齋清浦人泰順縣令

一逕踏雲路仙巖展遐矚靈域韜澄鮮真氣潤松竹脫
卻車徒煩緩步指層麓禪宮敞幽襟衆響遶寒綠遺此
雲中樂人間復何錄入門逢一笑凝睇怡心目乘願有
遠公再來一尊宿福地萬古稱於焉重整續諸方具眼
人莫不以悅服性與白雲親蕩漾無拘束鄉語共高談
留連忘日促欵晏諧旨趣甘泉茗初熟遙情托風雅清
言生謾謾悠哉蓮社風庶幾同高躅

壽目老和尚

七十餘年幻跡賒仙山揮麈領烟霞談經頑石頭應點
入定閒雲髮已華梅雨潭飛晴日雪翠巖香綻月中花
祇林盡祝無生諦勾漏何須獻鼎砂

仙巖寺詩 卷之八
朝夕親覲并求開示佛法大意蒙賜佳章次原韻

賦今三首奉呈

陳鴻賓 字序公杭州人

清言亶亶與心迎能令浮生躁氣平此日遇航猶遇岸
何年忘境并忘情孤雲辭岫因風遠衆水朝宗向海傾
永日長廊相對處朗然如傍玉山行

又

如駛年華往復迎不知自誤此生平行雲流水原無相
碧海紅塵易有情檣檣乍開還乍落荷珠將滿亦將傾
當前賴得師開示一道燈光照夜行

又

悔將筋骨老趣迎世路何勞歎不平筆舌徒滋身後孽
榮枯須悟夢遊情水經灑灑瀆濤猶險日傍掩噬影易傾
我欲從師求覺路千峰明月向前行

高崇 字岱菴遼東人順昌縣令

瓢笠經千嶺相逢平遠臺鬚眉皆道氣詩偈總天才寶
月無明晦浮雲任去來今朝聞妙諦塵念仗師開

日無川... 願望... 丹... 榮... 到... 又...

溫州瑞安縣仙巖寺誌卷之九

益序

重興仙巖聖壽禪寺序

淮陰稽宗孟郡司理

仙巖在永瑞兩邑之間群山環翠瀑布中分歷級而前
 登登策策晴嵐萬狀蓋天下二十六福地也余于壬寅
 秋訪天目大和尚瀏覽巖壑心曠神移儼然在閩風縹
 馬間自梅潭而上所謂玉函龍鬚三姑雷潭諸勝跡逸
 思遄飛惜無濟勝之具則亦需諸異日耳余觀山內諸
 結構井如翼如第慮綆短汲深落成無期故和尚怒然
 憂之余謂此非和尚事而甌人士事也甌人士維桑海

之變播遷者多迄于今重歌安堵則宜深報佛恩甌人
士當陷溺之餘俗漸者衆迄于今始能嚮德則宜講明
佛性甌人士沿靡麗之習賈患者大迄于今乃寶淡素
則宜皈依佛法况和尚又生公流亞也庭前栢子堂上
風幡又安往而不得梯航哉彼甌人士之亟出而曷成
功焉不待余言為藁矢已余故曰是役也非和尚事而
甌人士事也

重興山巖聖壽禪寺記

檀越王錫瑄 禮部

蓋聞霞燦寶光顯人間之金像風傳鈴語出園裏之石
銘故澄水聞香十笏之居經始匪易况流泉湧木二梵
之福修復尤難斯蓋一切勝因悉由衆生願力仙巖聖
壽禪寺標名福地肇創唐朝瀑濺梅潭不隔曹溪之水
濤飛松徑曾借祇樹之陰係東浙為名藍實西來之淨
域在昔紺宮竦峙用使白業弘開寶鉢檀牀王僧儒紀
其瑰麗香薪花氎劉孝標讚為陸離無奈歲久而梁傾
况復人非而道墜玉暉金銑淒淒梵唄之中龍步鸞音
寂寂龕燈之下幸逢天日和尚夙明八解深辨三宗是
臨濟之真傳為天童之法裔飛錫至止愴爾生悲布金
何人毅然興舉一條拄杖檐佛日以照迷兩耳芒屨走
天涯而借力所祈念古阿蘭若之勝地兼與結檀波羅

蜜之善因福既弘修名亦不朽謹疏

萬 翱 兵憲

側聞佛流東土則象教弘開錫卓名區則精廬特啓是以惠遠駐匡山之崔誌公藏鍾阜之龍自昔皆然于今奚讓余生居星渚宦跡甌江見仙巖之雪瀑懸空疑分源于天上况福地之雲峰拔地挺獨秀于寰中道邇三山界連二雁雖鷄犬舊隨羽客而象龍時付緇流特以兵燹年年而鹿苑鴿林幻成頑石加之數年凶稜而木瓢鍤鉢化爲荆榛有天目大和尚者戒嬾赤髭慧叅白業社聯陶陸在空王大寄于城遊重蘓黃于宗門久推領袖因狗檀那之請躡屩孤行遂開蔭葡之林奉盂四出百年獅座鬱矣嗟我一代龍宮美哉輪奐顧前勞雖劇一簣願望爲山而後費尤繁九仞尚愁棄井欲成盛事用廣良緣謹序

建兩廡序

祖弘勳 郡鎮 臺

仙巖和尚者悟徹淵水戒嚴珪璧剡嶺來遊支遁虎溪復見遠公法演仙巖鉅卿因而投體宗傳鹿苑頑石爲之點頭神通大而分身信奉堅而卜地屏圍山拱亭亭觀清淨之身環繞溪流混混傳廣長之舌經營兩載拮据數椽莫補袞缺于靈關思布莊嚴于法地顧爰居爰

處雖欲規廬舍之舊模而自西自東亦須藉檀那之多
助倘得兩簷飛翠上方增輔相之儀庶俾四座畱霞大
衆快寶華之燦寧獨一人之不憚謀始抑亦舉世之樂
與觀成欲就福德無量無邊先請破除我相人相

搭綴募序

陳世凱

郡鎮

蓋聞爲山九仞難虧一簣之功製塔七層終藉合尖之
力况雁堂乍敞僅成一半規模鹿苑重開未得十分結
架欲圓洪誓須發大慈茲仙巖寺者本天下廿六福地
實海上第一名山飛瀑聞春聲出白雲堆裏懸崖積翠
人從綠霧叢中鳥韻松濤疑上山陰之道水流花放如

入桃渡之源故峭壁題銘司空圖清風不朽寶坊書額
朱晦翁墨跡猶香及乎南渡名賢咸臨流以修禊若夫
東嘉騷士皆載酒而班荆門對獅峰儼大石二層之象
林聞虎嘯恍匡廬三笑之谿足供清修允推淨土無如
移朝易朔半飛昆明之灰棟折榱崩更類靈光之歸幸
遇天目大和尚祥霞沃靈神光灌頂踏芒屨于雲水南
歸笑撚梅花收寶筏于津梁西來隱叅柏子乃迎千石
載啓雙林次第安排縹緲架蓮宮蘭若縱橫布置紆迴
開龍藏蜂臺可謂窮匠心之運用極慧手之經營矣但
丹艧未施胡從懸銀題金榜而觚陵弗飭不堪稱香閣

珠龕似茲未了因緣總屬無邊功德欲資鼎力特佈羽
言伏冀大破私囊共全勝果行見寶界共重閻洞入好
將玉帶留門雕墻同峻宇交輝無愧黃金布地功難思
議福不唐捐

王國泰 郡守

余守甌五載數陟仙巖峰巒聳秀梅雨飛流誠與雁宕
諸奇相爲頡頏耳惟是兵革之後禪宇殘闕幸天日和
尚道行闡法四方士庶咸資佈地之金力興土木之役
第正殿碧瓦尚缺廊廡少資其于名山古刹之勝不無
少惜也因用余一言以作蒿矢倘能克襄盛舉相助有
成諸君功德當與山水並長而垂名不朽矣余特爲之
一勸云耳

重建寶興禪寺序

王錫琯 禮部

離橫陽十五里有寶興寺蓋昔選佛之場也余心嚮往
之今夏五襍被歸林息影仙巖得與天日老人晤語綿
聯屢晝夜慨歎甌土數更板蕩幾劫火洞燒鴛舍之廢
十七象教之淪十五因及寶興古刹翔自李唐旣而維
草竊之宋祥符間智德禪師南遊止此跌坐徹旦見光
發于地卓錫誌之得積錢足了土木費故其地有青蚨
井云浴及至大中則祖弘禪師重爲茨墜至今荆棘縱

橫鐘鳧聞寂有德惟恒法二上人念之悲淚銳意中興
介目老人法孫無立公懇請匡後目師嘉寶興之有後
嗣也能適追也爰白手拈椎一肩擔荷然畫花之門烏
得塗抹殘唾謂一莖草已建梵刹竟乎至于莊嚴佛土
資毘尼律發敬信心則非藉布金長者烏能使鷲嶺龍
宮弘開禪誦慈雲法雨普被群生也耶大衆眼見滄桑
驚變銅山金穴蕩爲冷烟則曷不割破慳囊力營福利
博取真實受用乎且今者綠雲被畝太史將吹笛而書
有年則發陳紅之積以植善慶之因吾知必有踴躍競
勸助成功行者將見雲構翬飛而頓還德弘兩師之舊
觀可俟之矣語次目師顧余色喜遂付囑泓穎以代浴
門之鉢

重刻仲謀猷禪師語錄序 後學沙門超智

夫道滿天下非立言不能久傳言滿天下非修德亦不
能久傳是以道由德重德屬道尊道德兼備龍天守護
可大可久者也仙巖宋有遇安景純二禪師俱收五燈
炳耀簡冊惟元仲謀禪師明鑑空禪師未收入燈順治
戊戌夏余住本山偶有雲水僧入告曰某甲曾見仲謀
禪師語錄數卷其末卷乃仙巖開法語錄也斷簡殘篇
行將湮沒和尚可於諸山覓之必有得也用是耿耿于

懷遍覓莫獲至康熙庚戌密印多子和尚過上戍福昌寺忽于故篋中見之以書相報遂命書記範遠往覓彼僧秘不肯與遂于燈下抄寫仙巖語錄二十餘葉驟因寇警不及全抄殊稱闕事持歸以呈寇息再往而前本又復散帙余謂美玉寶珠混塵沙而不昧歷劫石以難磨然非法道攸關龍天所護豈而闇而復彰者哉獨憾其抄寫未全以爲帙帙然雖如是若論高明飲勺水而識全潮析片梅而知俱馥又安在多乎哉先壽梨棗用開後學但多多益善常寂有光知不終晦所望同懷其必有以全璧告者謹端册首以跋將來

語錄序

張天麒

麒麟素治儒業習聞天命率性之道因老而杜門靜守得觀佛書久知明心見性教外別傳之旨遂能看破世間一切如幻了無染着雖儒釋分門理無二致自拈此義竊謂有得每欲向大知識求爲指示未遇其人今聞日和尚天台南來卓錫天王道風遠播緇素攸歸一時當道宰官以及卿士大夫無不親造座下聽法麒麟叨隨勝會瞻師眉宇閒曠丰神恬寂爲從所未見之人率從子延珮請師語錄焚香展讀頓覺豁然如入三摩地中令儒釋二教理歸一致之義渙若氷解矣其大機大用軌

則不存濟上宗風于師大振麒麟暮年何幸得沾醍醐請
壽梨棗流通正眼以曉來贖讀是編者須知和尚老婆
心切不可作文字語言會

王錫珪

禮部

以今爲南宗之學者咸星嶽天童哉非天童自能爲北
斗之杓東土之岱也蓋人人腔子裏原各有一天童如
鐘之聲薪之燄其聞遠燎原之勢雖不可遏第莫與搏
擊之則寂焉懸之上莫與燔燎之則芟焉爨之下故搏
擊燔燎之爲功于鐘與薪也直在形形色色之先是則
聲銷燄滅具足音光倘死認名物紛設筌蹄是亦投牕

之蠅徒鑽故紙耳吾師天目和尚則天童嫡嗣也薪盡
火傳鐘懸待扣以憫世之心爲覺世之說隆隆法語噌
吶煥燁如獅吼一聲大地山河爲之震動不知世上還
有三日耳聾者否誠能于聲銷燄滅時直下領會則天
龍之指歸宗之拳石鞏之箭德山之棒此物此志也語
言文字脫落殆盡至于法無可法說無可說天童衣鉢
惟師是荷見住錫天王四白皈誠宗風大展而仙巖禪
寺南掖羅山爲天下第二十六福地頻年以來鞠爲茂
草瑄族暨瑄率緇禮請將赴法席行見雄音再振慧火
重燃矣今茲大衆欲明箇事悟本得之單傳重昏夜曉

識機先之一着靈府春融舍吾師其誰與歸

李光春 御史

仙巖一丘一壑可詩可圖古所稱仙之都也自安楞巖
豎刹竿于此遂易爲佛地虎溪前遶獅巖後踞青松夾
道直溯梅潭梵宮輝被林巒綿亘數里幾可埒匡廬衡
嶽矣天日和尚爲天童嫡系丰規峻整如鐵幹凌空勁
翎掠漢望者氣斂神肅其當機毒手惡辣鉗錘幾令作
家無齒縫處而又悲憫末流韜芒襲穎以慈祥藹若之
氣涵濡四衆以是師之道譽遠播域中一夕卓錫茲山
似有宿契遂經營締造頓復舊規而土木之雄且百倍
于昔師旣登座凡十方雲笠假榻松寮卽無不親覲方
丈師更隨機接引不俟開爐結制而隻言片語咸令頑
石點頭而語錄亦遂哀然成帙夫禪宗至天童爲極盛
兒孫布滿大地方且人人臨濟在在曹溪余竊不敢隨
人呼拜今仙巖語錄具在連城之壁非砥礪之所能竊
照乘之珠非魚目之所能溷有識者自辨否則請漱虎
溪之波挹獅巖之翠與師覲面承當母謂余豐干過饒
舌也

周應期 御史

達磨直指之宗自枝分五葉代不乏人雖去古云遙而

機用行履猶在震旦間也近世密老人以一介樵夫直
踞人天之席其機鋒迅捷行履精嚴咸謂古佛再世迄
今遍地兒孫莫非成家種草吾旣僻處海陬一宿覺後
正法衰微天童嫡子費隱來振宗風嗣而石竒大用古
泉諸名宿相繼挂錫猗歟盛哉今天日和尚偶來茲土
操持不苟行解相應發而機用也電激風馳驗之行履
也春溫秋凜年家子王又典延之主席仙巖非以其弘
開法眼能光前而裕後也哉夫仙巖古稱福地雖剝落
日久得師一肩擔荷便可以莖草建刹又况其道風遐
暢卓卓如斯乎一日鏡兒以師語錄進余披而讀之大
約意寓言先聲歸象外則其無言之教殆卽性天之不
可聞歟師以苦行勵衆事事先人着着實地較世之逞
辭鋒鼓舌戰者莛楹矣文字不傳于初祖證道有歌于
永嘉合以叅師於象外言先不已有可窺其奧者耶今
海內雲水倘然從仙巖方丈度取金針請以梅潭作曹
溪現可也

全錄序

蘓 霖 兵憲

曩予持節百粵見有澹珪和尚者原名金堡身以大官
獨能超出宦海名韁利鎖泡影一空真所謂肉身菩薩
也亦嘗結茅於慧能故址予從之叅微業究奧宗風且

雪宵塵尾欲脫一別而後更求方外有如澹珪者而不可得矣今來巡甌栝意雲水之窟必有六朝勝侶轉輪其際但甘露莫嚮耳一日偕瑞令丘君涵翁暨壻林子蒼擎兒子璫林生翰仙渡筏仙巖因訪天目和尚圓對之下不覺彈指者久之曰是又得一澹珪乎時予偶傷委頓乃假榻于禮部王又教先生積翠園中然雖不獲撰杖幽遐遍探諸勝夫旣幸叅日公矣則可等天地于聚沫齊萬象于搏沙將廬山之真面目在焉又奚事窮搜極討而後爲能滌祛凡塵哉適觀其徒梓公所說法語將以布滿恒沙昔佛圖澄能咒鉢裏生青蓮阿難一株栴檀香聞四十里予雖未徹解此中三昧第覺開卷已許而池上新荷巖前裸樹頓成花雨世界矣亦寧俟擎拳豎指始見其現出無量也顧予十年以前交澹公十年以後得交日公二禪師爲今世林遠遠邇式瞻乃皆不以心雜棄我然則世之好道者倘能合兩公之所撰而諦詮之則於四十九年說法舉可廢也已

天目大和尚六十世壽初度序

王錫瑄

仙巖自軒轅托蹟以來川壑之勝遂已有名于天下嗣而釋氏載興此地遂成舒州山麓故事然其間迭興迭廢幾不可考大抵求其與名山並壽稱一代之偉人者

殆未可以一二數也唐以前無論已歸一禪師于宣宗時厥風大鬯迄今姓氏十更其手宰堵波猶作魯靈歸然耳宋遇安禪師雖始于瑞鹿後移住峰前多表異蹟此繫虎溪頭幾欲與飛龍井上相千古自後有賜紫衣歸山如謠詵禪師者有以語錄照耀於佛典如元仲謀禪師者有詒撰永樂大典如明之鑑空禪師者約略計之或千餘年而一見或數百年而一見或百餘年而一見求其與名山並壽稱一代之偉人夫豈易易以一二邁哉勝國神宗時從祖西華暘谷二叅政嘗憫斯道之無傳與山水之寥落也乃聿新廊廡意以待有德者無如滄桑屢告荆棘隨生龍象稀聞而野狐入室矣先方伯嘗提瑄小子三人載酒過此歔歔者久之曰安得如歸一遇安主茲福地吾豈僅効家領軍停車虛文也哉未幾天日和尚折蘆海外予與伯仲二兄從漁潭見之不覺驚喜交集曰是一再來之人也夫亟相與敦請入山爾時仙巖一徑積礫盈肩頽垣闕步彌望皆白葦黃茅獨僧孤影殆難爲情矣而公則快然也爰追隨杖履遍探幽勝與之過虎溪公曰是卽我之三笑處也與之上翠微嶺登積翠峰公曰是卽我之靈鷲山也爲之觀梅潭雷潭飛流公曰是卽我之廬山瀑布也爲之指三

姑潭三皇井公曰此非我之曹溪之一滴乎爲之撫蒼
松摩翠柏踏山中葱蒨諸草樹公曰此非我之栴檀香
優曇華乎然則山門剝落佛像淋漓翳誰之責與公乃
奮圖肇造予兄弟左右之始於戊戌迄今三十餘禩色
相莊嚴殿廡輪奐嘻異哉真足祖天童而子芙蓉矣今
非公之高風安能金碧輝煌若此乎雖然此非公之力
也乃公之道與德而爲之也揆其開爐說戒者幾十歷
寒暑而毘尼以萬計故無論殊方異俗莫不聞和尚之
名而北面恐後焉座下何論乎卽謂其爲歸一遇安之
後身也誰云不可今元已後七日爲公降生辰公曰釋
氏無生也何以壽爲人曰和尚無量也何勿壽焉于是
乞言于余時茗葉芽生桃花水至敢効錢仲文朗上人
舊事從和尚作一茶社用假之以成遐筭祝俾千百代
後人稱和尚之道風如此和尚之功用如此和尚之神
明如此不益知和尚與名山並壽稱一代之偉人也哉
予近結廬方丈側繙經譯義朝夕與聞又願吾子若孫
世在彌天離日中百千萬億是所望也此姑述其本末
若是夫豈足以罄頂禮乎

募修仙巖山志序

汪 壙 郡守

蓋聞郡邑有乘千里輿圖繡錯山川有記一區名勝星

羅志苟不修傳何能久東甌仙巖山者天下廿六福地
海上第一名山也雨落梅潭瀑布奇分廬阜月明松徑
仙踪疑入桃源泉可流觴宛在蘭亭曲水溪仍號虎如
遊蓮社東林陳止齋讀書之臺白雲常繞姚侍郎鐫銘
之石碧蘚無侵軒轅從此升天鬚聞龍墮貞觀因而建
刹峰學獅蹲香臺凌絕巘以規形梵宇環禱林而挺勝
但歲時旣遠傾圯難支幸遇天日老和尚傳佛祖心印
其人天眼藏傷智幢之欲折思戒寶之將沉矢志程材
庀徒作室時則景仰者聞風助道効力者悅以忘勞重
開方便之門大啓圓明之域遂令三身競聳四殿肇新
有類飛來無殊湧出虹梁紫棟可使龍城媿飾雁塔慚
珍螭桷丹垣直教日宇奪輝月宮掩麗宰官慕嘉名而
騁眺文士揆藻管以品題信息心之精藍棲禪之初地
也自非行瑩圭璧信格豚魚豈能現芥子之須彌動玄
機於盼嚮哉乃復以寺旣煥然可觀志尚闕而未葺爰
是摩挲殘碣搜檢遺編繪泉石之幽光哀琳瑯之逸韻
將壽梨棗之版尚乏榆莢之錢余縱捐如水之俸金只
當覆爲山之簣土是用仰藉檀施共就因緣俾剗刷有
資縹緗成帙則案頭展玩可作少文之臥遊壁上畱題
不同明揚之紗護矣

仙巖聖壽禪寺募序

李象坤

仙巖爲福地之一卽杜光庭所撰三皇井也唐司空圖姚揆各有銘見於文苑諸書中吾甌固山水窟而謝監所題詠皆今人供樵汲耳若二雁則宋以後始著其以佳山水經唐人品題者只此一丘一壑而已聖壽寺在獅巖之陽從寺左抄而入梅潭夾道皆數百年古松松盡而瀑震一溪潌澗路側又前則翠微嶺嶺下跌宕透剔名通玄洞貼地與瀑布對若陟嶺則瀑下垂不見其委俯瞰濔次幽邃狀若墮甌故以潭名溪山之秀異豈僅可詩可圖已哉世廟中王大叅兄弟實華其寺今則悉圯天目禪師鬯宗風於甌乃獨娛情此山而大叅之族裔又教兄弟則又似續檀馨乃就山勢高下剏爲紆寮複閣獨虛其大雄殿作末後一着今則程匠石運斧斤擬以來歲架插天之閣其結構次第亦用顧虎頭啖蔗法猗歟盛已語云行百里者半九十又曰結塔之難難於合尖言終事之難也今日公乃以難事爲終事其勇猛奮迅當具搏獅全力豈弩末魯縞之喻所能震而撼之也耶予違此山踰三十年念之神躍何日更謀撰杖恐攢眉入社未卜遠公過虎溪發笑否也

仙巖聖壽禪寺砧基簿序

錫山諸定遠

浙江等處提刑按察使司分巡溫處道前翰林院庶吉士

仙巖為二十六福地道書多載三皇龍井鬚潭諸蹟以
 為軒轅氏所遺故以仙名唐姚揆銘亦以為維仙之都
 也司空圖銘仙巖寺則云寺圯而復原其始寺創於貞
 觀間蓋即仙踪為梵宇比比皆然兩賢皆唐人亦各就
 所值銘之耳虎溪橋為安楞嚴事幾欲蒙東林遠公之
 三笑大約傳疑則率類此史之所以貴淳也天日和尚
 從雲間來以烏藤白拂點人天眼目獨怡情茲山罄其
 神通力締構雄寶其禪室講堂紆樓複閣無慮數百區
 輝被林壑更添置國產以饒十方四眾佛廬之勝為東

浙名藍第一予弭節甌中欽師道範每懷香以謁坐丈
 室雪瑩中聆塵談法要輒欲塵視軒冕今量移西涼當
 僕僕邊雲塞月間恐視師蓋同天上師因出砧基簿索
 予序其簡端予何容辭猶記梅潭之側有止齋祠焉而
 溪山第一之額則晦翁訪止齋而題其掉楔揭之寺楣
 者也夫名山聳拔塵寰正如畸人杰士之不可企而及
 而仰矚者皆欲爭相依附仙巖之俯視羣山猶岱宗之
 旋龜蒙鳧繹也後之學者得曹溪一滴尚足以沾溉天
 下况親炙其輝光者哉今天日師就手創之業條分縷
 析畢記於編籍吾言為山門鎮玉永貽於後則試即積

翠巖前萬歲藤扃之不必如石櫃山謂黃帝之雲箋仙篆曾緘於此中也

仙巖寺砧基簿序

古洛黃諫

瑞安邑令

仙巖天下第二十六福地實於吾瑞大開生面晦菴夫子題曰溪山第一由來舊矣今天目和尚以古佛身重關茲山境界俾紺宇輝煌法薪再焰則護持之力實惟司牧茲土與縉紳長者居多此非佞佛也人人各有佛光人人各有勝願余茲覽其砧基所誌其拮据艱難與源流永久燎然在目將來滹沱河一燈乞火仙巖者當遍攝十方世界明眼主人何忍放過

重建仙巖慧光塔序

潘

耒

吳江人翰林院檢討

像教莊嚴最宏麗者無如佛塔人間土木之功最艱且鉅者亦無如立塔故凡叢林有所興造其視塔也最重必集百千萬人之財力經營若干年月而後成及其成也常千百年而不壞或殿宇盡廢而塔歸然獨存寺卒賴以興復此非工力堅完之効實百千萬人之精誠願力為能共持之也仙巖名勝聞天下聖壽乃貞觀古刹迭興迭廢今天目大和尚能於荆榛瓦礫之墟湧現琳宮紺宇道力真不可思議獨溪南古塔劫火之餘岌岌欲墮和尚久思修葺以物力艱難未敢輕議今乃毅然

思鼎新之會余遊覽入山欣然把臂屬爲唱導之辭余
考山志塔翔于唐大中隳於宋宣和至延祐中居民夜
見塔上飛燈煜煜而致蘊禪師適至大興佛事塔以更
新此慧光所由名也夫光從何來不從地湧不從天降
自是百千萬人心燈照耀前之人願力堅固故出此光
後之人善根純熟故覩此光人能發大心施淨財以莊
嚴佛土者亦自增其福慧自生其光明已耳佛何預焉
僧何預焉和尚秉濟宗法印雷轟電掣轉大法輪其慧
焰視昔蘊師更加熾盛而去秋劉公子昆陽讀書山中
夜見塔上燈光燭天者四次指示多人無不歎異復與
延祐中靈迹若合符節豈非時節因緣適相輻輳者乎
人孰不慨茲塔之傾頽孰不願茲塔之興復此一念心
光孤明炯炯得和尚大聲播告而勃然發露如木有火
遇燧則出如燈有焰得炷斯明慮無不歡欣抃躍効力
出財以相贊助者合百千萬人之慧以爲慧其慧無邊
聚百千萬人之光以爲光其光無量鉅者不鉅而艱者
不艱塔之成可計日而待矣謹疏

募修仙巖寺慧光塔疏

謝青鍾

瑞安

仙巖秀峙章安輿誌艷稱福地輝煌紺宇弘開祇樹之
園平等法輪直紹曹溪之派維茲入境有塔巋然名夙

佛藏寺誌 卷之九 六
著爲慧光址實興於唐代舟移彼岸遙知一柱孤撐鍾
定上方坐見八風不動是殆化城之欄楯抑實覺路之
津梁層級初升自足游神象外凝眸遠望奚難進步竿
頭顧爾劫濁揚塵塔光散彩登臨無地三春悵藤鎖烟
橫故蹟空遺幾度驚蟲窩鼠穴幸際震旦重興宗風遐
暢梵宇旣成寶所浮圖肯落頑空不佞承乏江成自慚
俗吏按圖而稽疆里選勝而得仙巖虎溪橋畔曾分夜
月於松根梅雨潭邊暫洗塵襟於瀑布適來惠遠拔異
欲新告以修塔因緣屬余弘揚弁語十方世世同歸那
刹之中七寶重重豈繫一人之力所祈慧根迸露法喜
遍充張燈於般若之輪無微不照種果於菩提之樹有
願咸登假饒聖立莊嚴蘿捫何須靈隱誠使心空及第
名題便是慈恩不揣疎庸潛塵端幅

地靈人傑所謂刹

谷隈野景慈恩不繼刺雷替壘辭酬
颯然登對繪望立茲蠟蘇門何貶靈烈結對小空又策
歐衣悲登於嶽者之舖無燈不照蘇果於苦對之樹育

溫州瑞安縣仙巖寺誌卷之十

記引

山門隆替叢席廢興時節因緣地靈人傑所謂創
始不易守成更難克肖傳持大行至化和盤托出
試看一道真言徹底掀翻便見千秋契券蘓老一
玉帶祝融四藤條莫非家珍得無鄭重遊覽者藉
斯而登臨頭頭見道應對者憑茲以接引句句超
宗立石刊碑不昧主持功業撰文篆額全彰紳縉
聲光以此稽查用垂不朽

元

重修仙巖塔記

番易釋廷俊撰

仙巖擅安固之勝香南響吃大浮圖實侈一方瞻敬而部勒山川氣象唐大中朔厥始宋宣和中墮寇烽日鑠霜蝕亭亭一土聚凡二百餘白尸者熟視莫克繕延祐五年長老寂室致蘊未至之日霄漢夜飛燈懸塔杪煜煜里閭爭指目爲佳兆旣而喟然曰是塔弗嚴祈氓敬日弛矧興葺所任然寺蕪已久圖宜惟先姑置徐議其可至順元禩春諭于衆曰寺幸就緒塔興斯其時余將罄羨儲極劬勤先之爾衆尚克相我事議乃合耆宿智期予于嘉宗舜慨紆帑宣力以佐徒屬或研金刺血濡毫書妙法華哀鏹濟費邑人安骸兒戴宗善涂文益欵門首有捐捨惟是施予磨至伎巧駿奔鳩材範金貨埏飾像經始夏四月越三稔成爲費若干緡爲七級爲高三十丈輦負赫奕蕩心駭目見見聞聞善種何莫由茲以萌功利其可旣昔覺雄氏睹古朽塔于荆棘中岌岌若土堆泣然涕泗下解所以覆之俄而光明出塔上時人百萬與瞻仰者咸證果位衆啓厥旨覺雄氏曰是塔七寶所成諸如來神力持之寧有壞相以衆生業果故隱耳吁古塔不遇覺雄氏終莫發其隱愚亦謂仙巖之所成就者微師疇克爾耶是庸記

至元四年戊寅結制日立

明

仙巖寺記

時嘉靖壬戌春二月也

西華山人王叔果

永嘉之山惟大羅最鉅礧礧數十里其西麓爲仙巖乃天下二十六福地界永瑞二邑境上其寺建自唐貞觀僧慧通者後廢至宋有富民陳氏者宅茲村忽聞地下有鐘鼓聲復捨宅爲寺時有楞嚴安禪師常騎虎出入別號伏虎禪師大典法場宋儒陳止齋先生讀書其中朱晦翁亦常來游大書溪山第一四字茲山三面環抱惟空其西面外通大河內有小溪環繞梅潭水由此出入河往年可通小舟今沙石淤塞矣寺前石坊舊額僧鑑空伏虎二大字已失去今中書舍人趙性魯直扁書仙巖橫扁書天下二十六福地由石坊轉入爲虎溪橋覆以亭旁有繫虎石橋之南屹然而聳者爲慧光塔昔傳有銀漢飛燈之異其東畔列石幢十餘座故有僧舍名外庵今廢渡橋而北則止齋祠在焉乃瑞邑前尹劉公畿重建祠前有亭扁曰流芳則寺僧道熹爲劉公作也祠後高峰數十尋繫以蘿蔓望之鬱然爲積翠峰由止齋祠東行有沙門有佛殿則國初一鎮守內臣重建者甚宏偉歲久敝壞今乃聿新焉而獅子峰臥象山則相爲環抱左右往大殿東行數十步僧道熹新創一庵

門扁叢林佳趣前爲方丈西爲清虛樓樓後駢植花卉
亭面之曰挹芳瑞平尹朱文二公捐資升構改曰超覽
庵門外有亭相值坐其中則雲峰森列予題曰叅雲榭
左方有舊庵今改爲安禪之所由舊庵東折而北有門
翼然懸晦翁所書溪山第一扁前行數十步爲嘉樹臺
以古榕樹根盤崖上重蔭交翠其下甃石爲臺臺之東
爲流觴亭亭八角水環繞流觴仍注于池池周圍數十
尋多植白蓮名曰白蓮池泰順尹區公益資寺僧作亭
池中而問名于予予命曰憩蓮區公別號兩蓮用以名
亭蓋甘棠之意云出流觴亭循崖北行躡級而上爲翠
微嶺嶺側有石如屏刻宋吏部侍郎姚揆銘嶺下俯見
澄潭志載有三仙姑謁安禪師一語而悟入潭化去因
以名潭前爲仰止臺以仰而望之則止齋讀書臺在焉
臺表西厓高處有石如砥方數十丈旁鑿小石盂注水
盥手則止齋舊蹟也由仰止亭北行乃梅潭正踞又折
而東厓谷甚異有洞如室盤旋而通梅潭名通玄洞洞
之背有亭少師張文忠公孚敬建名澤潤亭亭之前卽
梅雨潭潭之勝在此山爲最四面巖壁削立瀑水飛灑
潭中空濛若細雨然潭口兩巨巖相倚中開一空向皆
亂石堆塞砌石爲磯正面飛瀑名曰噴玉磯可列二桌

坐數人在磯上對瀑如處竈門引首自內觀天也潭之四周巖壁奇絕昔傳有飛仙其上者爲昇仙巖又有振玉亭在潭上近西與飛瀑相對乃今瑞邑尹余公世儒新建也越潭之東巖稍循澗高陟爲三皇井煉丹井黃帝池其義未詳蓋幻迹云再上爲雷潭潭深邃莫窺其底以巨石投之若雷鳴又有龍鬚潭在雷潭之上水循巖而下如懸布或以黃帝乘龍飛昇時有鬚髯墮故名由潭西登則有白雲上方菴乃僧道憲所構卽伏虎禪師菴故址菴僅一楹望之如斗大而延賓禮佛各有其方至庖厨庫溷之屬亦罔不備憲上人之經制巧矣初上人如此入定三年不出戶予命其住持仙巖寺始下山菴之上爲玉函潭去梅潭約二三里遊人率至此而返山慚高峻已爲仙巖絕境矣寺故有田七十畝水碓凡數座嘉靖初田爲豪家所有而碓亦廢去游人至無駐足之所覽勝弔古罔不興嗟予兄弟命僧道憲主之資其稍葺墜緒仍理諸勝茲山本爲妙境無攀陟之勞有幽邃之美今潤色有加而宴憩登眺之所不一而足始如人有穎質益以問學之功而才美立見矣但寺中故業無存今僅有碓三四座日取其稅以資香燈饗餐之給先是寺僧廢亡時移世變所遺碓基又爲本鄉豪

民所據蓋豪民率捏偽券以為售之寺僧遂沿溪競架
 諸碓自上流邀激梅潭水助春而飛泉為之或竭此兵
 憲袁公祖庚廉知其情下令盡拆諸豪民碓惟寺僧者
 許留仍給帖為照以預防將來夫自唐迄今殆將千載
 其間或廢或興不知凡幾變矣而湮落狼藉之餘復能
 振舉是固關於天數由於人力其亦山川之靈有以致
 也

仙巖重建陳止齋先生祠記

王叔杲 郡人福
建布政

東甌稱山水郡自昔多明賢山之靈秀雁蕩大羅為最
 大羅之西麓曰仙巖泉石奇勝志號天下第二十六福
 地界瑞邑宋寶謨閣待制陳止齋先生世家瑞之葑村
 未第時潛修仙巖四方多嚮學紫陽朱夫子過訪山中
 手書溪山第一今榜于坊先生故有祠在沙門之側歲
 久就圯嘉靖甲寅前令大中丞吳門羽泉劉公朔祠于
 虎溪北予伯兄憲使西華君有記春秋祠祭列祀典萬
 曆庚辰新例凡郡縣有書院報毀先生祠以故督學阮
 公揭心極書院扁前尹齊侯例毀之寺僧移先生像于
 佛殿之左方顧瞻者歛歛然有待也北歲甲申常熟章
 侯來尹瑞政暇遊仙巖讀書所載祠記知前祠興廢始
 末謂先生著作方盛傳為博士家所誦法名業又具昭

國史而祠以溷題不免有司之過也吾必復之旣以語予移書上官疏先生祠不當毀願以俸貲重建上官咸報可而郡尊衛公淇竹暨同寅劉公見吾馬公五和潘公雪松共勒月金爲助乃相地于積翠峰下爲堂五楹冠以臺門秋八月告竣奉先生像于中俎豆禮成邦人士咸稱慶焉夫名賢之出發秀杼靈世多本之山川而山川奇勝在寓內者何限彼流聲傳美爲古今所物色者率先哲游寓所在是山川恒藉名賢而重無論濂溪武夷卽匡廬長白諸山亦可睹記也先生卜棲茲山得其靈秀發爲文章得其奇竣樹爲風節引裾直諫輒返故山又若戀戀於梅潭泉石故今讀其書履其故武想像如見而薦紳名流訪求遺跡前後爲之表樹以揚風聲豈山水若增高深而梵宇諸天爰托永存然則祠先生於茲山其爲仙巖重也不然乎予始令海虞其鄉先賢言公子遊故無專祀因捐金建祠榜曰文學書院制頗宏麗論秀肄業其中章侯時爲諸生主講會近亦以例毀址爲豪右所攘此其與止齋祠相類噫方禁例之行也使令瑞者如章侯陳先生之祠豈毀又使今令虞者如章侯言公之祠豈終草莽哉是可以風在位矣侯名有成字德成與羽泉公同鄉修政崇教先後有光董

祠工者縣尉浦君謨而丞簿歸公大顯鮑公槐咸樂義
 贊成屬余紀事因書其麗牲之石系之歌曰宅靈區兮
 積翠莫爽塏兮祠宮溯仙源兮湛秀列長松兮摩空擷
 渚蘋兮明薦儼邦君兮肅雍神之來兮容與恍色笑兮
 雲中拭遺編兮誦法燦八面兮詞鋒想書臺兮盥讀挾
 飛泉兮御風羗逍遙兮帝所戀故山兮忡忡神之旋兮
 徇復能無鑒兮羣衷願孔時兮陟降千秋百世兮

重建止齋祠記

祠係萬曆甲申年吳門章公有成
 幸瑞邑重建移祠於積翠峰下

仙巖山水之佳甲于安固宋儒陳止齋先生故有祠在
 于沙門之西北年僧亡寺廢材壑湮蕪游人罕至祠亦

漸就頽圯嘉靖甲寅邑侯羽泉劉公拉予同遊展謁祠
 下覽勝弔古躊躇欷歔因就予而謀曰梵宇弗葺寺僧
 之責也先賢俎豆幾委諸草莽有司者其奚辭旣戒僧
 徒稍理廢墜而以新厥祠爲已任度時經費藏上飭材
 中爲堂五楹以奉遺像繚以周垣冠以臺門仍揭其舊
 扁曰止齋祠前臨清溪傍蒔松栝凡由虎溪橋而入梅
 潭者必道其祠下望之巋如翼翬美瞻壯觀於茲山有
 華耀矣走書屬予記其事予考縣志先生世居葑村樂
 梅潭之勝而卜棲四方學者響風戶屢日衆因鄉先生
 薛公季宣過訪聞叅倚之說惕然省悟乃盡棄舊學追

從漏上而所得益深故曹公叔達校序先生集斷自乾
道丁亥意謂是時先生學成道尊而其文可傳與初作
頗不類蓋指梅卜築歲也用是以觀先生德業文章兩
極純粹雖由天授學臻似有得于溪山之助者其祠于
仙巖固宜嗚呼以先生所蘊負使遘逢時會晉陟亨衢
卽震世事業可立致顧遇暗主淹下僚甫承召命而擯
斥隨之兩宮未調引裾切諫匆匆下殿竟出國門良可
慨歎然先生之學雖不盡用於時而經綸緒蹟垂憲後
賢製作餘芳沾漑來學今去先生三百餘載誦其書論
其世亟欲起之九原而不可得古人思其人猶愛其樹
矧名賢藏修之地乎吾以知斯祠之新不可已也然劉
公于案牘之暇而能寄溪山致崇教化財不出于帑力
不妨乎民其賢于俗吏遠矣侯名畿字子京姑蘓世族
與予同舉庚戌進士承命徵文者黃生鵬南包氏潤卿
皆託居茲山而樂相厥成者也予書其麗牲之碑以記
歲月且爲迎送神辭俾歌以侑之

仙巖紀遊

王思任

字季重山陰人九江道

泉石之奇皆泉石之聰明強有力所自致者泉不安於
泉躍而爲瀑布石梁曰吾以之爲驚河吾以之爲狎雷
而我其雄哉大龍湫曰夫匡氏之子九華之生將起而

角之焉用此壁立爲夫不有空行而天吊者耶仙巖曰
是誣其祖矣戴鼎盛以席垂成胡不起家自奮發也於
是乎有仙巖之瀑瀑不他藉賴從已腹中出如千本火
樹迸吐銀花突如其來烟呼雪喊鼓鐵亂鎗人相對止
見口張口翁必欲相聞則更語之或帖面附耳對瀑爲
澤潤亭予友王季中輒浮大白叫何如捉予臂轟飲以
敵之而山人王碩卿年家子吳聚伯吳閔仲俱侈其喉
作笑語而瀑以爲侮予遂盛氣相加腥風惡雨撲人旋
舞且呼且逼似不欲寓人一瞬者予曰子母然我勸爾
杯酒三伏月還當著故絹衣向君從容食白粥也季中
語之曰山陰道上人其言咄咄吾輩一日東道主於是
雨漸撤而瀑怒稍戢入仙巖洞觀所謂梅雨潭者飛沫
濺流此地必無晴日一洞射風口緊腹脹予吻袖而下
偶爲苔滑一跌幾絕老人病人斷不可作此觀矣傍洞
壁出噴玉磯忍睨之則洄渦杳眩萬斛明珠拔山搗下
也急走上而栗寒鬚髮足根俱爲霧雲泚盡於是仍登
亭愕想之巖名仙謂曾此有仙飛去雪寒月冷力量在
八素之上方廣以羅漢此以仙仙佛了不異人意矣亭
前一樹禱甚而不免爲當戶之蘭季中力勅僧卽克之
青眼不妨頓白季中言振玉亭上有三皇井黃帝池雷

仙巖寺志 卷之十一
潭龍潭更奇邃清遠而足不能誦日雨又甚願以異日
相携擇石齒窺通玄洞洞可達梅雨潭望之窈窕而爲
水所壯據轉翠微逕酌流觴亭奔泉驛酒如浪不可少
待不能勝遂走憇蓮亭託遠公以避難亭下池可方畝
玉蓋胎含萬衣簇碧放馥時繡作瀑花之布滿山荷韻
不知是泉香花香也臥象與獅子二峰鬪積翠之勝彷彿
瓊島石磴曲屈泉從屋上經過屋下俱是雲確亂綠
濃寒竹松都無語處反有怪榕十丈寄巖而產遂拜嘉
樹之封此下爲虎溪寺有慧光塔陳止齋祠有虎溪橋
宋安禪師曾騎虎此出入故得名有溪山第一坊是晦
翁字寺境廢而後起永嘉王賜谷先生之力居多先生
卽季中之父也外史氏曰大羅山之南有二十六福地
其仙巖耶王謝能發明山水先後永嘉不少槩見何哉
吾聞之劉涇仙鬼惡聞涕唾聲則力能秘吝之不則滄
桑未換海若之所官耳夫山水靈物也其生長否泰各
有時褒姒之外有夷施夷施之外復有飛燕吾又惡知
千載之下仙巖之外不以悵王謝者而悵予也

仙巖梅雨潭觀瀑布記

劉康祉

予與友人周君王君以初十至仙巖連日小雨比進艇
天已小霽泊舟之際則大晴斜日在林萬山盡紫好風

飄然長松濯濯予急趨梅雨潭觀瀑布瀑布稍壯愈於前四歲所觀矣而石所受瀑處猶稜稜自見水僅從數級中跌宕而下非能直瀉也予意猶未快連日晴連視之水乃益縮澁小雨則小壯然未復舊觀後數日大雨午晌山齋中如坐龍門上砰磕之聲振耳意其有奇而爲雨所制午後雨少微乃賈壯往出松徑數武悲流易而噌吰野水如海奇矣趨上山山不一再折水乃大奇蓋潭水所走虎溪道也水自潭下瀉行絕壁間峻滑陡暗不可窺既數十步乃得大徑平鋪如砥兩旁巖夾之勢稍昂於內內水急欲外趨外石抑之俯仰相爭涌雪

沸金三人狂呼稱快而爲水聲所奪拍肩大語相顧褒爾無聞也快賞謹叫媿媿不能捨而遙望瀑布縹緲虹垂林際乃舍之而上天靜無風蘋末不動潭口草樹獨偃仆如壓則瀑水急下下未及受激波濺沫所鼓盪也予三人近前亦不得少立時予衣短衣躡雙屐意其爲累乃悉捐去之科頭跣足攀藤而往纔至洞口沫雰然如蒸口目不得開身搖搖焉幾爲水風所吸匍匐從故道出登巔上漱玉亭視之亭俯下若井中去水二十仞而紛沫直迸高出數丈不知潭中作何狀其奇視下又倍蓰焉意極戀之而以水所淋漓如沒人始上背膺皆

仙巖寺記 卷之十
洽不可留也遂歸

再遊仙巖梅雨潭記

觀瀑之次日雨已霽然水聲澎湃時時撓夢趣也爾日予方沐意欲晞髮焉而又慮其雨歇水微將失舊觀也乃被髮趨詣之至則噌吰之聲如故而風水之所盪湧沫之所溢已衰於昨日矣洞口草樹亦稍稍作折腰態不至首拂地也予乃知其頗可入遂攀援而進顧須低頭襟塞口鼻與湧霧相抵冒乃得進立瀑布下而猶未得張目觀也日大張則爲沫水所激射僅僅少舉睫竊睨之霖霖滂滂翳障吾目境如坐重幙觀積雪而金鉦鼙鼓數萬聲震於其旁瀑水大數十圍奔放而下蕩決自如無敢撐拄齟齬之者稜稜之石皆沒不見矣單衣流液髮濡濡如新沐予蓋十餘詣而瀑之勝始盡時連日事登涉或跣行或躡屐攀羅葛踞泥苔與水風力爭而目纔一快歸臥山齋喘喘委頓顧自謂奇游勝賞把袂相慰勞無言疲者

清

重興仙巖聖壽禪寺記

三山潘之彪

司理

丁未秋余司李甌江卽以履任之日奉裁憲檄且踵至行當南返不獲覩雁蕩龍湫諸勝以仙巖距鹿城差近

乃往觀焉中秋後一日予放舟山下望林巒洞壑都無所見行數武過虎溪至山門寺僧揖余入是爲仙巖寺寺創自唐代歷年久荒圯殆盡今更新之雖未落成而精藍殿閣已井井于青旻碧落間矣時金粟香飄秋光容與余對開士坐如面深山詢之卽天目和尚從天台來今重興茲寺者也余喟然曰選佛場非堅猛如和尚安得名山丘壑不湮沒于荒烟蔓草間乎已出蔬果試山泉縱眺巖間則四山屏列籠從蒼翠如坐畫中而一峰對峙狀若獅蹲則獅子山也此固天設高座者乎和尚告余刹已廢數百年矣居人常聞其地有鐘磬聲且某宦嘗謀營葬于此舁柩至夢金甲神叱而止之司寇郎王玉伯司李玉叔兄弟遂以數十金購而施之寺佛地自有鬼神呵護信不偶也是躡蹬迤行見山左有瀑千尋懸絕壁下不可名狀其上有雷潭深數十丈投以石如雷轟又有龍鬚潭相傳爲黃帝乘龍鬚墮之處嗚呼說亦怪誕矣哉梅潭所注承以竹木爲水春蜿蜒至僧廚則以當井汲焉觀瀑返坐憇蓮亭少談片晌遂辭山靈將爲返棹計也虎溪橋之前有塔師與余言塔下有空洞昔有漁父入捕多魚洞口忽扃不得出其家人環禱久之始啓扃出焉此中豈別桃源非人間所可到

仙巖寺詩 卷之十一
者耶爰歸而記之并作詩寄贈云

張經 司馬

仙巖距孔道數武余自防甌以公事下章安輒憩焉今春會讞一宿其中天目和尚云屐齒凡四歷不可無記亦留幸矣余惟俗吏奉公唯謹宵旰之不暇顧安得無事而遊遊焉復彷彿其槩形之不律乎然胸中丘壑余自不乏大約仙巖之勝在梅潭瀑布而登臨更宜于夏宜于獨夏則爽獨則幽巖之麓佐以流觴曲水擬蘭亭亦一致也寺之傍佐以王氏別業不減習家池亦一致也山口有虎溪橋不知于匡廬何如卽今日公寧讓遠公而余終是靈運一派人恐亦不足與陶陸同社溪山第一額爲朱文公手澤山靈增色豈亦曰寒山片石乎夜共目公坐別業南樓剪燭移時有客與之談公案師豎一拳客曰祇這是客與師針芥相投不復葛藤異日余與客話次客詰余余豎一拳客曰將無同乃共發大笑寺爲師興復費已不貲殿宇嵯峩兩廊廡猶未就余涼薄愧無以大振之余曰安得有力者出金錢共襄其成師曰天龍敬聞命是夜朔風颯颯林木怒號師歸方丈童子從客去余亦就寢但夢魂猶在簿書間不知其身之去香臺不遠也

雲間周茂源

栢蒼郡守

葱嶺以東王侯貴人泊凡橫目之衆咸崇信西方聖人之教花氏宮綿亘震且不翅千百襍於茲矣永嘉禪宗歷稱最盛日月燈所四照迴溪複嶺間靡弗左鵬耆右雁王也仙巖爲道書二十六福地刹昉於唐貞觀中後楞嚴安禪師住山伏虎又名伏虎禪林嗣景純瑤詵活石仲謀鑑空諸古德累賜紫衣有叅史局著作者蘭奢高座豈不繩繩罔斃哉顧歲久臘深漸就傾圯近且娑羅卒萎香海爲枯舊寮不存兩楹二三老苾芻難與猿鳥爭粒粟復挈軍持行耳時有盛衰事有興替世出世間皆所不免求夫建人天寶幢耀帝釋珠網紹墜緒啓鴻基者必福慧圓通道高行苦之人是賴天目大師雲間名家李氏子夙因再來幼卽辭親受具叅學未幾頓悟上乘哀然爲臨濟裔孫天童嫡胤蓋久矣首淨名而推龍象焉瓶笠所至感慨係之謂吾釋子仰報佛恩當具彌天法力不辭苦難荒高山相原嚙筭絡藍縷以誅荆棘豈必有國家者事乎然僅披一罽賓毳衲手操竹如意行游說法而效須達布金者日衆會寺廢址數易主而歸瑯琊王氏玉伯比部廉知爲桑門故壤舉券還之師益擴其疆一切鳩工屬植倍於貞觀之素從

本朝世祖皇帝庚子歲諏吉始事迄

今上龍飛四載厥功告成先法堂次齋堂禪堂次方丈次
寮房次鐘樓次藏經閣次大殿次三門其他庖湏庫廐
以至擇木館賓之舍無不櫛比塗茨堅甃繚垣誠哉紺
宇聿新而梅林美備矣憶予待罪栝蒼師嘗過訪偶題
募引以作聚沙之助適龍泉一善信刊木三千章以獻
雖僅充枿櫨之用殆權輿不可忘云茲予樂觀大成來
謁師復與玉伯氏信宿維摩之室述厥工之次第與開
士之異績屬予記之而其季今潤州司理又典氏傾月
俸錢輿龍藏至從此琳編貝葉光燭獅巖雷瀑之交不
亦諸品無漏而覺悟無邊也哉昔王司徒兄弟聽高僧
講毘曇經立解妙諦繼乃捨宅爲寺僧彌法護遂稱迦
葉金湯今比部與司李昆季豈遜司徒主簿得專於前
也耶又寺側有陳止齋先生讀書臺朱晦菴夫子嘗過
而講道陳祠益不可問矣師乃百廢具興不以爲無與
我緇錫事而姑後諸斯更貫徹三教而於大九州之內
演化於不可思議之域者也予雖不敏樂濡筆而爲之

記

仙巖寺記

范承謨 巡撫

予奉命撫浙以歲庚戌春巡行甌郡歷下邑舟出永嘉

界十餘里爲安固地見有崇山鬱葱林木層聳奇峯峻峭迴合青冥知其中必有名刹有異僧存焉詢之爲仙巖山乃宋賢陳止齋先生讀書處也夫東甌昔稱山水郡此非其表表者歟予乃舍舟登崖遵野徑度虎溪橋入山門有僧整衲雍容神情淡穆揖予而入則天目和尚也天目爲雲間名家子生有夙因幼卽辭家受具哀然爲天童法裔遍游名山南至於甌躡踏於仙巖而住錫焉予時少憇起而環矚寶殿煌煌兩廡翼翼以至若禪堂若方丈若藏經閣若鐘鼓樓飛甍繚垣靡不轟轟軒軒整飭莊嚴美哉紺宇鼎新蘭若之觀偉矣至問其檀那爲誰則曰先是永嘉方伯王龍友遊屐所至目擊名刹破壞佛像淋漓特招僧性化給資修葺徐圖募建乃未竟其志而逝未幾果成廢基矣嗣而潤州司李王玉叔與其兄比部玉伯廣文玉仲念及先志遂爲倡首焉更爲之乞緣於當路而且龍藏有請輝巖照壑榮施斯山不少而和尚一瓢一笠近自枯婺遠暨江左所至皈禮向化諸宰官善信普齊道念輸財赴工如水投壑亦神矣哉徐而和尚以名勝詔予游予乃登山躡嶠歷三皇井及五潭諸勝而於梅雨潭更低徊不忍去焉循寺側而東有巖曰積翠旁爲陳止齋祠圯而復新亦和

尚力也循巖數十武入垣內有積翠樓則司李之別墅也環山瀦水竹木森茂晚予得一宿焉亦一緣也而和尚以記請予日記游予事也而爲仙巖重建記則我爲蘭譜表章又何能辭按道書仙巖爲天下第二十六福地寺昉於唐貞觀中禪師歸一首闢荒山爲宗風倡至宋爲安楞嚴禪師道場卽破句讀楞嚴者又伏虎著跡亦曰伏虎禪林嗣後代有名緇若景純寶詵活石鑑空諸古德有叅史局著作者有賜紫衣還山者班班可考也先是屢興屢圯檀越不一其人乃者天福名山泰運重啓一番大作用又屬之司李兄弟矣昔王司徒兄弟聽講毘曇經妙悟立解遂捨宅爲寺遐哉卓舉爲禪門功德吾以之方比部與司李不有合乎而和尚之成此舉卽其徒衆皆龍象侶也虔共爾職各奏爾能爲功於寺亦不淺也因記事而并及之是爲記

仙巖聖壽禪寺天日和尚壽塔銘 王錫琯

佛壽無量也而預營蕉珠者何蓋大地衆生當覺皇出現驚未曾有不靳七寶瓔珞金池珠林悉割以充供養猶以爲未足以罄崇奉因而計及末後光明造無縫窄堵安其舍利豈待阿育王雙林變白之後哉究之真如不壞其無量者固在也天日和尚出世吾旣仙巖皈依

四衆何異恒河沙數乙丑季春上浣爲師世壽六旬緇
白磨集懷香裊花幾令積翠增隆梅潭添雪已而羣造
予園謂某等餐師法喜至矣今幸逢初度卽焚香爇頂
不能慰其敬禮則願就寺左藤蘿蟠鬱處建一壽塔爲
寶掌千歲之祝知師者莫如公乞以椽筆銘之予曷克
辭按師諱超智字天目松江青浦李氏子父文所母許
氏夙懷道念師降生有異香蓬勃達牖外遠邇異之甫
髫夢祖墓忽成層樓峻閣金碧輝煌有老人指曰中紫
磨金像上座者爾祖也驚寤之父父哂曰小子何夢之
有自此遂翛然起出塵之想一夕露坐見天裂如舟霞

光燦爛閃爍奪目俗傳爲異瑞厥後師字天目此豈預
兆耶甲申國變師喟然曰吾固無濟世才然青紫亦非
吾願也乃伏八行筆牀下別其親飄然作雲水遊戊子
師年二十三從亮融和尚剃度冬受棲真林野和尚具
足戒己丑偕同學三人叅羅漢自閒和尚一見卽問三
人同行必有一智者師卽向前問訊尚云問
訊且止脚跟下道將一句來師答云道過了也於是乳
水交融充爲侍司庚寅執巾瓶隨往崇明慈濟寺領書
記事尋登堂集衆付以大法焉松江督學宋公徵輿隨
請住指一南院兩精舍嗣住天台崇法寺甲午夏訪雁

蕩玉甌名勝遂抵永嘉禮無相大師塔謁密印法幢大
師過仙巖徘徊林麓似有夙契旋挂笠漁潭天王寺進
士謝公包京請留寺住靜梅勒陳公典謨因請結制說
戒其年冬兵憲萬公代尚讀師語錄因贈詩云花香鳥
語小牕南灌頂醍醐我自酣長怪東南兩天目精靈幻
出老瞿曇遂全總鎮尚公好仁瑞令譚公希閔暨瑄兄
弟瑄琬與大中丞李公光春周公應期諸檀護敦請住
持仙巖焉時荒垣壞壁草沒人腰僅左壁數椽成野狐
窟師提卽栗一枝入山選勝先一夕寺僧夢神人告曰
詰朝有肉身菩薩到此作大佛事晨起覲師宛符所夢
然猶未遽信也戊戌浴佛日始入主方丈尚有闡提餘
孽以腥酒亂清規者師誡之弗聽突有虎從叢簿中躍
出衆始驚潰或疑虎猶安楞嚴所繫之遺故世爲虎溪
振寶杵云師以禪律兼化烏藤白拂玉律金科隨機接
引而道風四鬣靈應響臻三十年來佛廬禪肆複閣紆
寮輝被林壑晨鐘暮鼓軌則清嚴蓋在東南諸大名刹
中堪伯仲矣寺後偏巖嵌石龍虎戟列予從弟某欲卜
爲眠牛其夜夢巨人金袍銀鎧立其巔事遂寢迨雄寶
垂成師乃鑿壁剡山入地數級其下甃砌低昂似有神
工鬼斧遂繕爲靜室雖十笏無多而八萬四千獅子座

可納之無遺矣。閩變蔓旣，師適分衛吳中。及歸而鐘簴如故，一葉不彫。非師廣大神通力，有以遙禱羣兇之魄，能使魯靈光歸然獨存耶？師資性冲和，棒喝之外別無訶叱。六時兩序精進薰修，以是遠邇皈心。如蒼葡萄林，喜其香風四達，如優曇花，虞其一現，卽收以是總戎之帥。號令可懾，雷霆館閣之卿，繡袞常依日月，莫不欲造仙巖。方丈飲趙州一杯茶，當純灰三斛者，師豈可一日暫遊天宮耶？是諸善信斲文石而塔之，亦猶昔人鏤梅檀而像之，同一敬田也。予旣臚列梗槩，以不虛所請，復系以銘。銘曰：

仙巖之銘，肇自司空。易清虛都，爲梵王宮。獅巖積翠，梅潭濺空。楞嚴繫虎，邈矣高蹤。後賢崛起，爰挺日公。體合冲妙，法闡昭融。懸河慧辨，箭栝機鋒。超凡越聖，正在箇中。宰官敬禮，四衆景從。重樓複殿，起自棘叢。如彼曇株，曄若月紅。窳堵巖畔，永誌高風。歷拂袖劫，壽量無窮。

仙巖記

釋佛鑑

字博濟住護國寺

辛酉歲自四明天童來遊天台，諸勝聞雁蕩之奇，遂歷觀之。繼而至玉甌峰，上臨無地，俯視滄溟，不勝稱異。雖五嶽之勝，亦未有是奇觀也。呼吸可通帝座，遊目能徧龍宮者矣。住持圓鑑禪人告之曰：甌之雁蕩有三此玉

甌峰居其一焉。峰巒秀出，樹木爭榮。鳥樂山林，雲生幽谷。不過山川之勝，未得人才而稱之。豈能全其美與？章安有仙巖，乃天下二十六福地。中有梅潭、白布象、護師、衛翠、嶺虎、溪龍、潛鳳、舞塔、臨霄、漢山、障烟、嵐暮、鼓晨、鐘說法、感諸天、散彩、德隆、道重、規模起萬古、徽猷真人與地勝地藉人名者也。余雖未到，仰慕亦久。故卽腰包頂笠度江而東，直造虎溪深，搜幽邃，得親猊座，機契針鋒。是以依依庭榭，戀戀風規，流連法席，列序於龍象之班。請益座前，忝集於生徒之末。庶幾得溯洞真源，倚依大樹，聞香于雙桂堂前，見色于憇蓮亭畔。嘉樹臺之葱翠，霏微噴玉磯而光華潤澤，雙闕傾萬斛珠璣，丹崖開半天圖畫，春殘也。花飛溪錦，夏至矣。潭起雷聲，三姑沾法忍而脫跡，潭餘清影止齋，聞鐘鼓而舍宅祠，且畱名况乎循階除而戶牖初無躡等之嫌，浴柔栢而杲愚實有登高之譬，列千山于戶內，竹繞朱甍，飛四極于屋深，松延碧瓦，溪橋臥波，非迷津之寶筏，丈室開雲，乃覺海之階梯，誠法門隆盛，蓮社偉觀者也。鑑垂髻之年，頗習藝文而不貫雉髮之時，初耽經術于無虞，是以翹首獅峰之侶，希心聖域之師，得承記荊不梯鄙庸，以蠡測溟，謬爲記述云爾。

遊仙巖記

潘

耒

吳江人翰
林院檢討

東甌諸山多連綿相屬惟大羅山巍然特起枕海帶江
別標靈秀其西麓一支爲仙巖道書所云天下第二十
六福地唐司空圖姚揆皆有銘宋陳止齋嘗讀書焉三
潭二井之勝聞天下余以六月初往遊泛一葉舟出郡
南門循溪行過白塔帆遊漁塘諸村落平田淺渚絕類
江南至巖麓見古塔憂雲林篁鬱茂則聖壽寺在焉山
門旁曰溪山第一乃朱晦翁書寺故唐刹有大中時陀
羅尼石幢尚完好殿宇久廢濟宗天目禪師鼎新之宏
麗可容千僧爲甌江首刹天公雲間人道風高秀一見
傾倒策杖導遊登翠微嶺夾道虬松千株巖壁峻峭削
玉色如古銅出土俄見雙巖對聳窅窅峯客類龍領鯨
牙飛瀑自其中出轟然注潭中高不過數丈而石稜層
折水數跌而下噴薄如散珠潭前巨石圍之自石罅入
立水際如在甕中寒風襲人飛沫濛濛常若梅天細雨
故名梅雨潭惜水不甚壯未盡其奇潭外石崖空中名
通玄洞崖背有亭曰尋壑又一亭在西壁曰快亭皆與
瀑對潭水溢出甚湍悍股引爲水雄者三四其下流徑
三姑潭疏爲曲水作亭臨之曰流觴高下錯落如圖畫
也從快亭西上百餘步有巖如屋爲止齋讀書臺又北

上里許觀雷潭石裂成澗屈曲如龍形上狹僅數尺而
下嵌空廣三四丈臨崖俯窺宵黑無底潭沉沉如玉缸
盛油凝而不動轉巨石投之聲鬱硤中久而後出碎訇
作雷鳴真石破天驚矣龍鬚潭更在其上里許遙望匹
練懸空冉冉飛動日暮不得至返寺宿焉與天公露坐
清話夜分乃寢天公亦酷好山水聞余曾到雁湖爲之
色飛因言錢倉動石及仙姑洞石梁之勝余始有遊南
雁蕩意須還郡裹糧而行晨出寺右謁止齋祠過王氏
園數奇石屹立苔紋如古鐘鼎名積翠峰峰下瀦泉爲
池臨池有樓翼然蓮葉田田楓杉交蔭休夏無宜於此
者恨不能旬日畱過虎溪橋與天公珍重作別攝衣登
舟一步一迴首也

再遊仙巖記

從仙巖返郡亟求南雁志觀之心豔其奇決意一往會
連雨計梅潭水必甚壯而天公屬爲修塔疏文已就欲
手致之因復至仙巖天公適往寶巖首座太虛出迎遂
上翠微嶺道旁細流皆天矯與人爭路礧礧間水悉湧
雪翻銀坐尋壑亭則金鉦鼉鼓之聲震耳飛沫飄蕭着
人清晝無風而潭內水勢搏激自然生風迸出谷口濺
珠橫射淋漓如驟雨衣襦皆濕瀑闊二丈餘噴空直下

石稜皆沒不見潭水滾滾如潮頭極奔騰跳蹙之勢此瀑不甚高而勢險節短如鉅鹿麀戰勇氣百倍又潭口偏仄外高於內水不得驟下故鬱怒盤蹙而爲此奇也僧言昨日水尚壯人立亭上如在霧中今勢稍衰然城中人來亦罕值此者客子得縱觀固大快太虛撓余上寶巖余請待歸途遂別去

三遊仙巖記

既遊南雁歸至瑞安念太虛之約不可忘也買舟徑至仙巖昏黑扣門日公聞余來喜甚燒笋晚飯言寶巖夜坐尤勝明須襍被以往寶巖在羅山高處有洞深曲人

無到者十餘年前僧避兵始見之天公愛其巖壑幽絕稍加開鑿營精舍焉既自標以十景復屬余遇峰巒佳者輒爲立名從仙巖過石門坑踰數嶺見一峰當谷口圓秀如髻頂名之爲華鬘峰澗旁削壁嶙峋色如潑墨者爲削鐵巖橫崖十餘丈上層覆下層如茵褥垂簾外者爲覆雲坡巨石屏立苔蘚綴之如蟲書者爲苔篆巖將至寶巖石壁對峙舊名石門有洞方廣如丈室兩石交疊爲簷者曰下巖自仄徑上有洞周圍如閣曰中巖又上有洞軒豁盡見諸山曰上巖巖石外黑內白雜嵌細石如水晶明瑩有光故曰寶巖三洞宛轉如旋螺天

然奇妙天公復運巧思鑿空架險疏泉剔石佐鬼斧之
所不逮結屋不多而冠崖跨壑極映帶之致下巖中巖
甚奧而上巖甚曠前有石臺臨空無際於眺月尤宜掩
關面壁莫佳於此爲大書寶巖二字鑿諸石壁巖旁奇
石林立天公名之曰青蓮瓣曰石燄曰獨秀而山東一
峰高出雲表余名之曰摩霄峰攀藤而上里許至其巔
白雲從中來風吹之如流水片片掠面遇其斷裂者徐
徐墮入谷中如落雁亦一奇觀峰腰石壁白淨望如懸
帛者四處偶遇其下曼聲長嘯山輒應之旣而人語則
山亦語人笑則山亦笑人曰奇山亦曰奇人曰怪絕山
亦曰怪絕人曰聲從何來山亦曰聲從何來大聲大應
小聲小應因名之曰答響巖嘗聞閩中太姥山有仙樂
峰人奏曲其上則山亦出曲聲相應此峰亦必爾爾空
谷傳聲不意靈妙至此羅山有此奇千百年無知者待
余而發茲來爲不虛矣峰背石筍多奇余窮探之梯危
棧而度有石如人醉而坐睡者名之曰醉翁如龜昂頸
者曰仰天龜聳而峙者曰鼇頭圓而伏者曰石鼓皆樵
採所不到返至寶巖一一舉似天公謂鑿開混沌山鬼
當夜哭也明日將還仙巖天公先行余偕太虛恕方二
僧及人瞻弟往尋羅隱洞路過少林歸雲鏡菴諸靜室

皆藏深塢中絕幽勝從歸雲東望見一石人立絕類北
雁聽詩叟鏡菴道中見山頭立石亭亭可名玉女峰遙
望東山頂簇石如芙蓉名花萼峰四石駢立爲四皓峰
一石孤插天心爲天柱峰羅隱洞有上下二巖上洞尤
佳小休盤礴望見東北一帶峰巒絕秀問是何處僧言
從此十數里可登大羅山之巔四望無所不見余喜躍
欲往僧言天且雨余奮不顧遂飯於上洞挾蓋而行迂
道過石茅纂綠陰精舍誤亦復佳行里許出接石峰下
石高數丈闊三四尺薄裁數寸兩片層累中間斜連處
僅一線風吹可落不知何以卓立千古也又北折入谷
中兩山巔並多奇石初欲比擬物象不可勝名乃已又
東折三四里見平田茂樹籬落隱隱名秀才洋云是唐
劉冲隱居處望隔溪一山橫亘數里孤懸絕壑是爲大
羅之心色如染黛紋如疊波秀削龍從名之曰橫雲障
其巔奇石百千最傑異者一石側薄而斜卷土人稱仙
人曬靴不雅馴名之曰插笏峰旁有老僧巖大類北雁
而危坐山頭尤又前兩石丈偃僂相對名之曰二老峰
皆高卓雲端與天爲黨山盡一村爲盤臺閣休于民家
老人年且九十健甚問之木姓云是宋狀元木待問之
裔更上重嶺至笄箕尖上有墩墩設以瞭海是大羅山

絕頂也環山百里望如錯繡僧指之曰是爲甌郡城是盤石衛是爲永嘉場海安所及瑞安平陽諸山川皆如掌中辨菴羅果而大海漫瀾一碧無際遠洲小島如魚如艇不可勝數長風忽來驅雲如馬雨隨而至急下山趨盤臺閣則泔泔濕衣望諸峰皆如新沐過秀才洋取別徑還仙巖嶺深路滑左執蓋右策杖幸免傾跌僧聞余從羅山頂下闔寺皆驚謂千萬人無一二到也至暮雨益大竟夜如傾盆明午乃止僧言梅雨潭水壯盛復倍前亟往觀之則三姑潭上石瀨中水皆成瀑布洶洶雷鳴至尋壑亭則飛沫颺馳人對面不聞語瀑流不復

循壁玉柱十圍噴空直下如萬弩齊發一潭皆銀濤鼎沸輪旋巖谷震動天殆鑿余三至之勤故以一晝夜雨增長瀑勢俾得窮極變態也耶復躡磴上雷潭瀑流亦怒潭中滾滾浪動投以小石爲水聲所奪絕無聞運斗大石擊之始作聲轟然震天猿鳥皆駭慄龍鬚潭前者遙望而已茲欲迫視之涉狂瀾攀危石乃至其下潭水正方石壁宏敞受瀑處闊可三丈餘瀑注之皆滿碎裂作百千條披拂而下故名龍鬚言黃帝乘龍上天髯墮水中者矣也梅雨潭壯猛雷潭靈怪龍鬚潭闊大三者各臻其妙皆天台雁蕩所未有始知水石之變不可勝

窮也循雷潭而下為黃帝池煉丹井三皇井並一水潑注所成澗路幽寒巖石欹削人亦罕到矣昔賢有言人生不遊雁蕩不如無生游雁蕩不數過不如無游余於雁山固未能再至也今仙巖乃獨三至焉每至而所得益深由皮膚而骨髓由藩籬而堂奧雖於大羅全體未盡而仙巖面目庶幾見之天下事不可以少得而遽止獨山水然乎哉天公曰子之遊進乎道遂書之以為記

跋范撫軍仙巖記

周清原 晉陵人兩浙學院

天目和尚派衍天童行苦神秀越江左右咸所皈仰僕以試事再過甌江快覽仙巖名勝因得親覩雲幢兼聆

妙諦別來不覺兩閱歲矣辛未初夏緘寄范中丞向所撰記來禾索書將以勒諸碑版正值脂車復命匆促走筆腕法殊覺草草獨喜僕與和尚又結一重翰墨緣也

重修連江縣潘渡橋碑記

張仲舉 山西人福建巡撫

連江縣西郭之外舊有橋曰潘渡父老僅傳其名而不詳創設湮廢始末寶慶三年水際有斷爛石版流出土人拾之字畫畧可辨始知茲橋之設在紹興年間而圯於寶慶初年叅政鄭公再葺於淳祐十年迨嘉靖壬寅之歲橋復傾圯直至天啓丙寅秋比丘真燦輩矢志修葺遂有侍御曹公倡首捐金而中丞熊公亦襄成其事

也
本朝鼎革之初伏莽未靖六師雲集而橋又湮廢或謂負
固者燬截以自蔽然莫可攷云余受

命撫閩之四載爲康熙二十七年戊辰歲癸亥月輿出省
郭有募僧伏道左述其事輒引刃百斷左手墮地仆良
久卽甦神氣不亂若有默助余心異之命輿隸少駐召
使畢所言蓋矢志興復茲橋募無應者迫而自殘其軀
古所謂願力僧也問所需曰約計四千緡足矣得四之
一爲庀材如餘具漸集余如其請次涼俸創捐僧竭屨
從事踰年工竣僧來乞記勒石余惟三代盛時徒枉輿

梁歲築無愆期子輿氏推爲王政之宜然則使民利涉
固守土者所有事也潘渡瀕于江爲閩浙往來之孔道
自橋廢數十年每山水驟發溪澗湧注江波駛怒散漫
平野間行旅揖爲之不前貲裝淹頓望洋而咨者日凡
幾輩蓋民之苦涉久矣予自下車以來屢檄所司殫求
民瘼而閩土頻仍矣燹休養甫周星紀有司方兢兢撫
字催科不暇小民可與樂成而難與慮始病涉不可勞
役不可此予所蒿目而籌也募僧以一行脚苾芻不忍
行旅屯艱發捨身弘願以利益道路作佛事斷一手而
凡歲時往來恒河沙數之衆生無束手之困登斯橋也

如游康衢歡喜讚嘆雖其假予力以經始假羣力以有成而非是僧矢願之專畢事之勤何能致此哉斯可為嘉尚矣橋廣二丈二尺縱七十二丈辟水門八道架橋為屋凡七十二楹僧名越期前楊州江都縣人在溫州瑞安縣仙巖寺為僧自其本土薙落去楊而緣浙閩者也其董厥其事之官以及布金之儔例得僧別泐記不備書康熙庚午歲孟春立

重修仙巖慧光塔落成碑記

吳門蔣埴

兩榜進士樂清縣令

仙巖居永瑞一邑界為天下二十六福地其溪南有浮屠高三十丈為七級建自唐大中隳於宋宣和後延祐

蓬萊遲維培

奉政大夫浙江台州府通判加二級署瑞安縣事

余夙卑涓派獨探洙源徒有補袞之思自慚幼學外就分符之寄未遂壯行因佐刺于赤城暫飛鳧於邵興向閒披邑乘固知名勝屬仙巖雅意景前修還信地靈歸人傑惟名賢之芳踪足式斯崇阿之風景增輝泉石堪圖非仙人之舊館溪山第一得先哲之荒祠爰有止齋陳先生道學深醇文章矜貴窮天根之秘與日月爭光探石室之藏與山海競富梅潭作對獨溯濂洛淵源茶院論文大唱東南絕學行年未二十已模楷夫方州外調四十年數崎嶇于湖海嗟知遇之已晚幾乎陳君舉

仙巖寺記 卷之十
鬢鬢已皤乃忠節之彌堅赫矣宋光宗衣裾可引言旣
不合何妨徑出國門道或不行還念提撕來者雖籍僞
學之禁而若徒若弟當時與有榮施終老大羅之阿而
一齋一臺千載猶勞仰止檀陰習禮或削迹于生前鹿
洞談經寧灰踪于沒後奈滄桑之屢變莫保名山且嗣
續之式微人忘朽骨附其牒而忘其祖拜墓知愧似宗
非宗讀其書而忽其人論世有慚雖學未學棧題標艷
藻歷朝之尸祝何處遺像鎖烟霞今日之蘋蘩屢缺堂
構不復實爲吾黨之羞剪拜頻加豈盡佗家之過夫大
梁之入佇想夷門下邳之遊徘徊黃石何況胸羅星斗
闡千聖之微言學貫天人作百王之模範者哉用是力
維吾道亟表先型倡儒服以勸功喜緇流以重葺王摩
詰亦西來佛子輞川圖裏應盡布以蒲團陳先生乃一
代真儒積翠峰前當獨畱其絳帳刻日肯構共抒懷古
之情因時薦馨永垂不刊之烈庶使南陽臥室與龍光
而永存西蜀元亭共峩肩以爭秀銘曰

仙巖何仙邈乎其先乘虎匪誕吾取於禪山靈增價賴
有名賢心齋求止翠峰之前登臺舒嘯聲震九淵觀瀑
梅潭探彼高原宵羅萬象溥博淵泉出其緒餘持論經
筵學成世用雖隱世潛期君堯舜浴日補天雖歷三朝

屢爲時捐顛倒仕途四十餘年乃賦遂初曰予其還載
止舊齋終而老焉身雖不庸道自我肩校書授徒聖道
重宣迄今千載遺澤猶綿高山仰止風味悠然豈無繼
起名山同傳中流砥柱以障百川

康熙丁丑歲季冬立

馬



書